

說文解字義證

說文解字第一

義證第二

曲阜桂馥學

——天地人之道也從三數凡三之屬皆從三穌甘切

史記律書數始於一終於十成於三說苑發於一而成於二

歸藏以之而御氣出於一立於兩成於三連山以之而呈形

大易以之而立數天地人之道也者木書古之造文者三畫而連其中謂之

王三三天地人也又云天大地大人亦大老子道生一一

生二二生三三謂天地三謂天地人也服虔左傳注三者

天地人之數關子明大易衍義夫數兆於一生於二成於

三此天地人所以立也三五歷紀清輕者上為天濁重者

下為地沖和氣者中為人月令毋變天之道毋絕地之理

毋亂人之紀易說卦立天之道曰陰與陽立地之道曰柔

與剛立人之道曰仁與義兼三才而兩之故易六畫而成

數素問岐伯曰天地之至數始於一終於九易一者天二

者地三者人又子昔者聖人仰取象於天俯取度于地中

見之祥子夷登卷二一連筠蓼叢書

靈戶楊氏

取法于入風俗通天地人之始道之大綱也道以三與德  
 以五成子華子三元之功同立於无縱而守之是謂三極  
 衡而施之是謂三紀上下貫焉是謂三才易繫辭傳易之  
 為書也有天道焉有地道焉有人道焉兼三才而兩之故  
 六六者非他也三才之道也易乾鑿度天有陰陽地有柔  
 剛人有仁義是為三才潘岳西征賦廖廓恍惚化一氣而  
 甄三才成公綏天地賦三才殊性五行異位纂要天地曰  
 二儀以人參之曰三才潛夫論天地細縕萬物化淳和氣  
 生人以統理之是故天者諸陽地者諸陰人者中和三才  
 異務相待而成各循其道和氣乃臻機衡乃平天道日施  
 地道日化人道日為為者蓋所謂感通陰陽而致珍異也  
 書甘誓怠棄三正鄭注三正天地人之正道太誓逸篇毀  
 壞其三正馬注  
 動逆天地人

古文三從弋

文一 重一

王天下所歸往也董仲舒曰古之造文者三畫而連其

中謂之王三者天地人也而參通之者王也孔子曰

一貫三爲王凡王之屬皆從王

兩方切

釋詁王君也案古之言君者與王同義荀子王制篇君者善羣也春秋繁露誠國篇君者不失其羣者也漢書制法志從之成羣斯爲君矣白虎通君羣也羣下之所歸心也馥謂此卽歸往爲王之說也易乾鑿度孔子說君人之號云王者美行也天子者爵號也尙書制德放帝者天號也王者人稱也天有五帝以立名人有三王以正度管子兵法篇明一者皇察道者帝通德者王史記殷本紀於是周武王爲天子其後世貶帝號號爲王索隱云按夏殷天子亦皆稱帝後代以德薄不及五帝始貶帝號號之爲王諡法解仁義所稱曰王晉百官表王古號也夏殷周稱王鄭注孝經先王禹三王最先者

王最先者

天下所歸往也者拱範天子作民父母以爲天下王肅

注云政教務中民善是用所以爲民父母而爲天下所歸

往莊三年穀梁傳其曰王者民之所歸往也祭法稱有虞

氏夏后氏殷人周人熊氏說云殷周稱人以人所歸往故

傳人大戴禮盛德篇法政而德不喪故曰王也盧辯注云  
王者往也民所歸也御覽引韓詩外傳王者往也天下往  
之善養生人者也故人尊之善辯治人者也故人安之善  
顯設人者也故人親之善粉飾人者也故人悅之四德其  
而天下往之四德無一而天下去之往之謂王夫之之  
謂易乾鑿度王者天下所歸往春秋文曜鉤王者往也  
神所向往人所樂歸文子帝者天下之適也王者天下之  
往也天下不適不往不可謂帝王呂氏春秋下賢篇王也  
者天下之往也春秋繁露王者民之所往君者不失其羣  
故能使萬民往之而得天下之羣者無敵於天下桓譚新  
論王者往也言其惠澤優游天下歸往也班彪王命論帝  
王之作必有明聖顯赫之德豐功厚利積累之業然後精  
誠通於神明流澤加於生民故能為鬼神所福饗天下所  
歸往漢書制法志上聖卓然先行敬讓博愛之德者歟心  
說而從之從之成羣是為君矣歸而往之是為王矣洪範  
曰天子作民父母為天下王聖人取類以正名而謂君為  
父母明仁愛德讓王道之本也白虎通王者往也天下所  
歸往風俗通禮號謚記說夏禹殷湯周文王是三王也王  
者往也天下所歸往也獨斷王者至尊四號之別名王畿  
內之所稱王有天下故稱王天子諸夏之所稱天下之所

歸往故稱天王范應元老子注王者天下歸往之稱惟其  
無私故天下之人往而歸之董仲舒云王者樓鑰曰潘  
景憲春秋繁露本有八十二篇說文引仲舒在王道通三  
第四十四篇藝文類聚引董子曰古之人造文字者三畫  
而連其中謂之王三畫者天地與人也連中者通其道也  
取天地與人之才而參之非王者其孰能當是故王者必  
法天以仁覆育萬物既化而生之又養而成之北堂書  
鈔王者得三才何承天達性論夫兩儀既位帝王參之宇  
中莫尊焉天以陰陽分地以剛柔用人以仁義立人非天  
地不生天地非人不靈三才同體相須而成者也故能稟  
氣清和神明特達情綜古今智周萬物妙思窮幽蹟制作  
侔造化歸仁與能是為君長撫養黎元助天宣德尚書大  
傳王之不極是謂不建注云王君也不名體而言王者五  
事象五行則王極象天也人法天元氣純則不可以一體  
而言之也天變化為陰為陽覆成五行經曰歷象日月星  
辰敬授民時論語曰為政以德譬如北辰是則天之道於  
人政也孔子曰一貫三為王者貴當為母經典用貫字  
論語吾道一以貫之三即天地人王應麟曰說文引孔子  
曰一貫三為王推十合一為士粟之為言續也黍可為酒  
禾入水也烏呼也貉之為言惡也牛羊之字以形舉也

靈石楊氏栞

凡在人下故詰屈拘叩也視犬之字如畫狗也  
未詳所出然似非孔子之言或緯書所載也

古文王

古文王

案小篆王上二畫近上猶存古文之意

閏

餘分之月五歲再閏告朔之禮天子居宗廟閏月居

門中從王在門中周禮曰王居門中終月也

如順切

書堯典曆三百有六旬有六日以閏月定四時成歲傳云一歲十二月月三十日正三百六十日除小月六為六日是為一歲有餘十二日未盈三歲是得一月則置閏焉以定四時之氣節成一歲之歷象正義云古時真歷遭戰國及秦而亡漢存六歷雖詳於五紀之論皆秦漢之際假託為之實不得正要有梗槩之言周天三百六十五度四分度之一而日行一度則一曆三百六十五度四分度之一今考靈曜乾鑿度諸緯皆然此言三百六十六日者王肅云四分日之一又入六日之內舉全數以言之故云三百六十六日也文元年左傳於是閏三月非禮也先王之正時也履端於始舉正

於中歸餘於終劉炫云月朔之與月節每月利一日有餘所  
有餘日歸之於終積成一月則置之為閏故言歸餘於終  
漢書晉義歲之餘為閏春秋元命苞三年一閏以起紀宋  
均注紀法也三年加以一閏以成歲也歷志玄始歷以為  
十九年七閏皆有餘分是以中氣漸差據渾天二分為東西  
之中而暑景不等二至為南北之極而進退不齊此古人所  
未達也春秋長歷書稱舊三百六句有六日以閏月定四  
時成歲允釐百工庶績咸熙是以天子必置日官諸侯必置  
日御世修其業以考其術舉全數而言故曰六日其實五日  
四分日之一日行一度而月日行十三度十九分度之有  
畸日官當會集此之遲疾以考成晦朔錯綜以設閏月閏月  
無中氣而北斗指兩辰之間所以異於他月也積此以相  
通四時八節無違乃得成歲其微密至矣得其精微以合天  
道事敘而不悖故傳曰閏以正時時以作事事以厚生生民  
之道於是乎在陸績渾天說閏月無中氣斗斜指二辰之  
間王肅曰斗之所建是為中氣日月所在斗指兩辰之閒  
無中氣故以為閏也李鼎祚曰案易軌一歲十二月三百  
六十五日四分日之一以坎震離兌四方正卦卦別六爻爻  
生一氣其餘六十卦三百六十爻爻主一日當周天之數餘  
五日四分日之一以通閏餘者也楊慎曰日與天會而有



氣盈卽歷書所謂大餘五小餘八也月與日會而有朔虛卽  
歷書所謂大餘五十四小餘三百四十八也大餘日也小餘  
分也五歲再閏而無餘日十九歲七閏而無餘分歷書所謂  
無大餘無小餘也問若據曰余以授時時憲二歷之理與  
數補注堯典曰論其理天周之度歲周之日皆三百六十有  
五而又有餘分自今歲冬至距來歲冬至爲一曆三百六十  
四之則四分之一也經言有六日者舉其成數也自正月朔  
日至十二月晦日爲一歲得三百五十四日而十二晦朔終  
焉朱子云合氣盈朔虛而閏生蓋一歲有二十四氣假如一  
月約計三十日則宜十五日交一節氣矣然暮三百六十五  
日零二十五刻分配二十四氣則不止於三百六十日故必  
十五日零二時五刻爲一節三十日五時二刻爲兩節所謂  
氣盈也月之合朔二十九日半則月不能滿三十日之數積  
十二月三百六十日計之內虛五日零六時三刻是爲朔虛  
故每歲嘗六箇月小止得三百五十四日也氣盈於三百六  
十日之外有五日常零三時朔虛於三百六十日之內有五  
日常零六時三刻則一歲之開大約多出十日零八時三歲則多  
出三十二日有奇所以置閏也三歲而一閏卽以閏月計之  
亦不須三十二日有奇故置閏之法其先則三年一閏者三

繼以兩年一閏者一續又三年一閏者二繼以兩年一閏者  
一如是經七閏然後氣朔分齊是為一章也論其數天周三  
百六十五度二十五分七十五秒歲周三百六十五度二十  
四刻二十五分而日與天會月一日不及天一十三度三十  
六分八十七秒五十微積二十九日五十三刻五分九十三  
秒而月與日會十二會通計得日三百五十四日三十六刻  
七十一分一十六秒是一歲月行之數日與天會而多五日  
二十八刻二十五分為氣盈月與日會而少五日六十三刻  
三十五分八十四秒為朔虛合氣盈朔虛共得十日八十七  
刻五十三分八十四秒為一歲閏率三歲一閏則三十二日  
六十二刻六十一分五十二秒五歲再閏則五十四日三十  
七刻六十九分二十秒十有九歲七閏則二百六十六日三  
刻二十二分九十六秒蓋不

用積年日法而以實測得之  
餘分之月五歲再閏者文六年穀梁傳閏月者附月之餘  
日也積分而成於月者也范云一歲三百六十日餘六日  
又有小月六積五歲得六十日而再閏積眾月之餘分以  
成此月疏云古今為歷者皆云周天有三百六十五度四  
分度之一日之行天一日一夜行一度故謂一度為一日  
一歲十二月之惟有三百六十一日是餘五日四分日之一也

又月一故積五歲得六十日此皆大率而言其實一年不  
得月十二日故積五歲得六十日此皆大率而言其實一年不  
斷月者所以補小月之減日以正歲數故三年一閏五  
年再閏白虎通月有閏餘何周天三百六十五度四分度  
之一歲十二月日過十二度故三年一閏五年再閏明陰  
不足陽有餘也故識曰閏者陽之餘一告朔之禮天子居  
宗廟閏月居門中者玉藻聽朔於南門之外閏月則闔門  
左扉立於其中注云閏月非常月也聽其朔於明堂門中  
還處路寢門終月則楚歲時記周禮云出居寢門故閏之  
爲字門中從王也是月也不舉百事以非中氣也周禮  
云云者春官太史文彼云閏月詔王居門終月注云門謂  
路寢門也鄭司農云月令十二月分在青陽明堂總章元  
堂左右之位惟閏月無所居居於門故於文王在門謂之  
閏文元年左傳先王之正時也履端於始舉正於中歸餘  
於終顧炎武曰古人以閏爲歲之餘凡置閏必在十二月  
之後故曰歸餘於終考經文之書閏月者皆在歲末文公  
六年閏月不告朔猶朝於廟哀公五年閏月葬齊景公是  
也而左傳成公十七年襄公九年哀公十五年皆有閏月  
亦竝在歲末是以經傳之文凡閏不言其月者言閏即歲

之終可知也今魯改歷法置閏在三月故爲非禮漢書律  
歷志曰魯歷不正以閏餘一之歲爲節首是也又案高帝  
紀後九月顏師古曰秦之歷法應置閏者總致之於歲末  
此意當取左傳所謂歸餘於終月何以明之據漢書表及  
史記漢未改秦歷之前屢書後九月是知歷法故然七修  
類稿史記年表秦不置閏而爲後九月蓋以十月爲正朔  
故於當閏之歲歸餘於終月而爲後九月曰趙宦光曰古之  
閏月增於歲終謂之十三月故特居門終月余十二月之  
餘分積五稔而兩歲互出古歷增歲終今歷開滿處馥案  
古之閏月皆在歲終故春秋書閏不暑其爲何月自太初  
歷行然後每月  
皆可置閏矣

自王

大也從自自始也始皇者三皇大君也自讀若鼻今

俗以始生子爲鼻子

胡光切

大也者廣雅同書湯誥惟皇上帝洪範建用皇極傳竝云  
皇大詩皇矣上帝又楚茨先祖是皇傳竝云皇大又文王  
有聲皇王爲辟傳云皇大也箋云變王后言大王者武王  
之事又益大定元年左傳薛之皇祖奚仲注云皇大也西

說文解字義證

卷二

六

連筠第叢書

都賦以發皇明五臣注皇大也顏注急就篇皇者大也論  
語皇皇后帝尚書則德放皇者煌煌也春秋元命苞皇者  
煌煌其道爛然顯明白虎通皇者何謂也亦號也美也大  
也天人之總美大之稱也時質故總之也號之為皇者煌  
煌人莫逮也獨斷皇者煌也盛德煌煌無所不照尚書序  
正義帝號同天名所莫加優而稱皇者以皇是美大之名  
言大於帝也穀謂煌煌亦美大之意也白始也者禮統  
天地者萬物之祖也宋本御覽作萬物之所白始皇者  
三皇大君也者始皇當為始王易通卦驗注燧皇謂人皇  
在伏羲前風姓始王天下者老子道大天大地大王亦大  
域中有四大而王居其一焉春秋繁露深察名號篇王者  
皇也又荅問三皇三才也三五歷紀天皇地皇人皇為大  
古春秋緯天皇地皇人皇兄弟九人分為九州長天下也  
顏峻始學篇天地立有天皇十三頭地皇十一頭人皇九  
頭依山川土地之勢裁度為九州各居其一方因是而區  
別故案洞冥記云天皇十三頭一姓十三人也古人質以  
頭為數猶今數鳥獸以頭計也宋均注春秋命歷序云九  
頭兄弟九人是也桓譚新論夫上古稱三皇五帝而次有  
三王五霸此皆天下君之冠首也潛夫論世傳三皇五帝  
多以為伏羲神農為三皇其一者或曰燧人或曰祝融或

曰女媧其是與非未可知也鄭注中候勅省圖以伏羲女媧神農三代爲三皇德合北辰者稱皇梁書許懋傳古義以伏羲神農黃帝是爲三皇風俗通三皇篇春秋運斗樞說伏羲女媧神農是三皇也禮號誼記說伏羲祝融神農含文嘉說處戲燧人神農尙書大傳說遂人爲遂皇伏羲爲戲皇神農爲農皇也遂人以火紀火陽也陽尊故託遂皇於天伏羲以人事紀故託犧皇於人蓋天非人不因人非天不成也神農悉地力種穀疏故託農皇於地天地人之道備而三五之運興矣謹按易稱伏羲氏王天下伏羲氏沒神農氏作惟獨敘二皇不及遂人遂人功重於祝融女媧文明大見大傳之義斯近之矣易緯大君者人君之盛德自讀若鼻今俗以始生子爲鼻子者徐錯本句末有是字本書自鼻也方言鼻始也獸初生謂之鼻人初生謂之鼻梁益閒謂鼻爲初稷疑此文倒互當云獸初生謂也人之胚胎鼻先受形故謂始祖爲鼻

### 文三 重一

王石之美有五德潤澤以溫仁之方也鰓理自外可以

知中義之方也其聲舒揚專以遠聞智之方也不撓而折勇之方也銳廉而不忤絜之方也象三玉之連

一其貫也凡玉之屬皆從玉

魚欲切

地鏡圖玉石之精也 孝經援神契石潤苞玉 地圖望石氣如浮雲其玉之精也 淮南地形訓白水宜玉 尸子水方折者有玉 荀子勸學篇玉在山而木草潤 周禮玉府王齊則共食玉 注云玉是陽精之純者食之以禦水氣 晉金州防禦判官平居誨使于闐行程記云玉河在于闐界牛頭山乃疏爲三河一日白玉河在城東三十里二日綠玉河在城西二十里三日烏玉河在綠玉河西七里其源雖一而其玉隨地而變故其色不同每歲五六月大水暴漲則玉隨流而至玉之多寡由水之大小七八月水退乃可取彼人謂之撈玉其國之法官未採玉禁人輒至河濱者故其國中器用服飾往往用玉今中國所有皆自彼來耳

石之美當云石之美者 有五德云云者徐鍇曰聲音萃自外可以知中則禮記所謂瑜不掩瑕也專音敷布也撓

曲也銳端細銳也廉廉棱也伎害也謂玉雖廉而不可以  
割是潔也故案溫當爲盥撓當爲撓吳封禪國山碑鯉理  
洞達賈子能象德者獨玉也詩小戎溫其如玉傳云玉有  
五德野有从麋有女如玉箋云如玉者取其堅而潔白玉  
藻君子於玉比德焉聘義夫昔者君子比德於玉焉溫潤  
而澤仁也縝密以栗知也廉而不剌義也垂之如隊禮也  
叩之其聲清越以長其終詘然樂也瑕不揜瑜瑜不揜瑕  
忠也孚尹旁達信也氣如白虹天也精神見於山川地也  
珪璋特達德也天下莫不貴者道也詩云言念君子溫其  
如玉故君子貴之也家語問玉篇同公羊解詁費玉取其  
至清而不自蔽其惡潔白而不受污內堅剛而外溫潤有  
似乎備德之君子賈誼書夫玉者六理在外明而易見也  
是以卑玉以諭物之所受於德者與玉一體也淮南說山  
訓夫玉潤澤而有光其聲舒揚渙乎其有似也無內無外  
不匿瑕穢近之而濡望之而隧五經通義玉有五德溫潤  
而澤有似于智銳而不害有似于仁抑而不撓有似于義  
有瑕于內必見于外有似于信垂之如墜有似于禮說苑  
雜言篇玉有六美君子貴之望之溫潤近之栗理聲近徐  
而聞遠折而不撓闕而不荏廉而不剌有瑕必示之於外  
是以貴之望之溫潤者君子比德焉近之栗理者君子比



智勇警近徐而間遠者君子比義焉折而不撓闕而不荏者君子比勇焉廉而不剝者君子比仁焉有瑕必見之於外者君子比情焉春秋繁露玉潤而不汚是仁而至清潔也廉而不殺是義而不害也白虎通禮記王度曰玉者有象君之德燥不輕濕不重薄不撓廉不傷疵不掩是以人君寶之象三王之連一其貫也者韓詩傳佩玉上有蔥衡下有雙璜

玉 古文王

五經文字玉

古文作玉

璫玉也從玉祭聲 洛編切

玉也者詩瞻彼洛矣韞琇有珌傳云大夫鎮琇而璫琇釋文鎮本又作璫說文云玉也

璫玉也從玉璫聲春秋傳曰璫琇 工玩切

春秋傳曰璫琇者昭十七年左傳碑竈曰若我用璫琇玉璫鄭必不火

璫

玉也從玉敬聲

居領切

璫

玉也從玉典聲

多殄切

玉也者晉書音義引字林同徐鍇曰符璫圖有玉璫是

璫

玉也從玉璫聲讀若柔

耳由切

讀若柔者昭二十九年左傳乃懷畜龍應劭音柔史記夏本紀懷而殺徐廣曰懷一作柔管子地員篇其木宜懷桑謂柔桑也

璫

玉也從玉璫聲讀若隔

郎擊切

讀若隔者本書蟻讀若隔

璫

璫璫魯之寶玉從玉番聲孔子曰美哉璫璫遠而望

之與若也近而視之瑟若也一則理勝二則孚勝

附哀

切

璵璠魯之寶玉者定五年左傳陽虎將以璵璠斂注云璵璠美玉君所佩呂氏存秋安以篇魯季孫有喪主人以璵璠收注云璵璠君佩玉也昭公在外平子行君事入宗廟佩璵璠故用之顏氏家訓音辭篇璵璠魯之寶玉常音餘煩江南皆音藩屏之藩荀子正名篇單足以喻則單單不足以及喻則兼楊倞注云單物之單也兼復名也復謂單如玉是也兼如璵璠是也孔子曰云云者初學記引作逸論語徐鍇曰璵文也瑟言瑟然文細也理謂文理也孚音符謂玉之光采也復案瑟當為璵詩瑟彼玉璵本書引作璵孚者禮聘義孚尹旁達信也馬注玉之為物孚尹于中而旁達於外所以為信王逸楚辭注赤如鷄冠黃如烝栗白如豬肪黑如純漆玉之符也

璵璠

璵璠也從玉與聲

以諸切

案此乃徐鉉新修十九文之一也左傳正義云說文云璵璠魯之寶玉璵璠是一玉名說文又云璵美玉與璵璠異也復案本書無璵字故孔氏謂璵非璵璠字

瑾

瑾瑜美玉也從玉堇聲

居隱切

瑾瑜美玉也者廣雅瑾瑜玉宣十五年左傳瑾瑜匿取楚詞九章懷瑾握瑜兮注云瑾瑜美玉也山海經西山經黃帝乃取崧山之玉榮而投之鍾山之陽瑾瑜之玉為良堅栗精密濁澤而有光五色發作以和柔剛天地鬼神是色是譽君子服之以禦不祥馥案瑾瑜五色佩玉也楚詞捐赤瑾於中庭史記司馬相如傳其石則赤玉玫瑰郭璞曰赤瑾也又瑾瑜贊鍾山之寶爰有玉華光采流映氣如虹霞君子是佩象德閑哀玉藻世子佩瑜玉晉令皇太子妃佩瑜玉此與五色發作君子服之義合淮南子鍾山之玉灼以爐火三日三夜不變得天地之和氣鍾山玉即黃帝取崧山玉投之鍾山所種瑾瑜是也

瑜

瑾瑜美玉也從玉俞聲

羊朱切

瑾瑜美玉也者左傳正義引無瑾瑜二字禮記聘義瑕不掩瑜鄭注瑜其中央美者亦不曰瑾瑜山海經瘞用百瑜郭注瑜美玉名續漢書應珣字季瑜然則連瑾言之曰瑾瑜單舉瑜則玉之美者爾



彩非赤玉也謝莊雪賦林挺瓊樹李義山詩已隨江令誇  
瓊樹李長吉詩白天碑碎墜瓊芳皆用毛詩之訓不以說  
文爲然復案赤玉乃璆字誤分爲二又謫來爲赤也瓊卽  
璆也漢書司馬相如傳咀嚙芝英兮嚼瓊華張揖注瓊樹  
生崑崙西流沙濱然則璆瓊皆出崑崙蓋同物也故毛  
傳云玉之美者文選江淹詩注引莊子積石千里河海出  
下鳳皇居上天爲生樹名瓊枝高百二十仞大  
三十圍以琳瓊爲實璆瓊亦瓊玕玫瑰之類耳

璆

瓊或從璆

本書釐或作  
鐫趙讀若鐫

璆

瓊或從璆

本書蟻下引司  
馬相如以從瓊

瓊

瓊或從旋省

廣韻瓊下重文無璇玉篇璇與璇同非  
瓊字二書皆言美石次玉音似宣切

說文解字義證

卷二

上

連筠移叢書

靈石楊氏栞

山海經中山經升山黃醢之水其中多璇玉注云石次玉者也不言赤玉荀子賦篇璇玉璠珠不知佩也楊注引說文璇亦玉此即誤本說文淮南子崑崙之山有瓊宮璇室據此則瓊璇不同文書辭典璠璣玉衡京房易畧例作璇機尚書大傳云璇機者何也旋還也機幾也馥案書古文作旋即璇字今書作璠左傳瓊弁玉纓本書璠下引作璠弁玉纓瓊璠聲近詩于嗟洵兮釋文引韓詩瓊瑰玉佩山海經西王母之山爰有璠瑰郭璞江賦璠璣璠璣即瓊瑰也顏延年陶徵士誄夫璠玉致美李善云說文曰璠亦璠字又贈王太常詩玉水記方流璠源載圓折案此用尸子水方折有玉圓折有珠之文據此則璠為珠屬晉書輿服志過江服章多闕冕飾以翡翠珊瑚雜珠侍中顧和奏舊禮用白玉珠今美玉難得不能備可用白璠珠隋書禮儀志徐陵以為冕旒後漢用白玉珠今不能備玉珠可用白璠從之蕭驕子云白璠璠珠是也馥謂李善所據說文璠為璠之重文則今本為人所亂明矣

玉

玉也從玉向聲

許亮切

切盧達

趙宦光曰寶石名璚者  
退馬璚桃華璚是也

醫無閭之珣珽周書所謂夷玉也從玉句聲一曰

切相倫

醫無閭之珣珣者木書無珣字類篇引作璫徐鍇本同  
釋地東方之美者有醫無閭之珣珣珣郭注醫無閭山  
名今在遼東珣珣珣玉屬淮南地形訓東方之美者有醫  
毋閭之珣珣珣珣高注醫毋閭山名在遼東屬國珣珣珣  
玉名周禮職方氏東北曰幽州其山鎮曰醫無閭注云醫  
無閭在遼東楚詞遠游夕始臨乎微於閭注云暮至東方  
之玉山也寰宇記營州柳城縣醫巫閭山祠在縣東五十  
里海內西經開明北有珣珣樹周書所謂夷玉也者書  
顧命夷玉馬融王肅並云東夷之美玉鄭康成云夷玉東  
北之珣珣珣也徐鍇曰說尚書者云夷玉東夷所貢之玉  
醫無閭則幽州之鎮鄭元曰在遼東當時爲東夷也  
一曰玉器者宋本小字本皆無玉字馥案器謂璧釋器璧



大六寸謂之宣秦詛楚文有秦嗣王用吉玉宣璧讀若  
宣者字或作瑱漢書郊祀志有司奉瑱玉孟康曰璧大六  
寸謂之瑱本書  
句古文作旬

瑱 玉也從玉路啓洛故切

玉也者楚辭九章被明月兮佩寶璐王注寶璐美玉也  
文選雪賦達似連璐李善引許公淮南注璐美玉也

瑱 三玉二石也從玉質聲禮天子用全純玉也上公用

號四玉一石侯用璜伯用瑀玉石半相瑀也徂贊切

本書璜圭尺二寸有璜以祠宗廟者也昭十七年左傳若  
我用璜畢玉璜鄭必不火注云璜勺也白虎通玉璜者器  
名也所以灌鬯之器也以圭飾其柄灌鬯貴玉器也書文  
侯之命序平王錫晉文侯秬鬯圭璜傳云以圭爲杓柄謂之  
圭璜正義云祭之初酌鬱鬯之酒以灌尸圭璜者酌鬱鬯之  
杓杓下有槃璜卽槃之名也詩旱麓瑟彼玉璜黃流在中  
傳云玉璜圭璜也黃金所以飾流鬯也箋云圭璜之狀以圭  
爲柄黃金爲勺青金爲外朱中央矣棫櫟左右奉璋箋云璋

璋瓚也祭祀之禮王裸以圭瓚諸臣助之亞裸以璋瓚  
禮典瑞裸圭有瓚注云鄭司農云於圭頭為器可以挹鬯裸  
祭謂之瓚故詩曰卹彼玉瓚黃流在中國語謂之鬯圭明  
堂位灌用玉瓚注云瓚形如槃容五升以大圭為柄是謂圭  
瓚  
五升口徑八寸以大圭為柄用權鬯

三玉二石也者侯所用也下文引禮侯下不復出獨言侯  
所用者舉其中也禮天子云云考工記玉人云之事天  
子用全上公龍侯用瓚伯用將注云鄭司農云全純色  
也龍當為龍龍雜色玄謂全純玉也瓚讀為魯魯之居龍  
瓚將皆雜名也卑者下尊以輕重為差玉多則重石多則  
輕公侯四玉一石伯子男三玉二石馥案鄭言伯子男三  
玉二石與本書異將當為埒釋文將如字劉音陽失之自  
虎通天子之純玉尺有二寸公侯九寸四玉一石也伯子  
男俱二玉二石也此與鄭說同

玉光也從玉英聲 於京切

經典多作英詩著尚之以瓚英乎而 范子計然玉英出藍  
田 孝經援神契神靈滋液則有玉英 春秋命歷序有神  
說文解字義證 卷二 三 連筠篴叢書

人蒼色大斛玉理宋均注玉理猶玉英玉勝也靈石楊氏

凌之華英又云登昆侖兮食玉英江賦金精玉英瑱其裏

靈光殿賦齊玉璫與璧英五臣木作瑛王鑒薦馬訪文

魯璫之遺英楚和之祕曜徐鍇曰按符璫國玉瑛仁寶不

斷自成光若白華漢文帝時渭陽王瑛見名醫別錄白石

英六面如削白微有光魏地形志發干縣有岵山出紫石

后英好者表裏映徹玉光也者孝經援神契玉英玉有英華之色淮南地形訓

龍淵有玉英注云英精光也穆天子傳天子於是得玉榮

枝斯之英注云英玉之精華也尸子曰龍泉有玉英山海

經曰黃帝乃取密山之玉榮而投之鍾山之陽是也馥案

詩詁云凡玉之生有榮有英有華榮謂玉之始生如草木

之榮也英謂一玉之中最美者如草木之英也華謂王之

方成如草木之華也

三采玉也從玉無聲武扶切

戰國策砥砮類玉漢書董仲舒傳猶武夫之與美玉案反  
語武夫為璚然則武夫即璚也山海經會稽之山下多砮

加郭注砮砮石似玉今長沙臨湘縣出之赤地白文色蔥蘢不分了也子虛賦砮石砮砮張指曰砮石砮砮皆石之次者玉

三采玉也者周禮典瑞纁皆三采三就注云三采朱白蒼又弁師皆玉三采鄭注三采朱白蒼也故書珣作璵鄭司農云璵惡玉名疏云按許氏說文璵三采玉從玉無聲以其三采又非璵璵故云惡玉名也說文又云珣石之美者從玉民聲知是經云珣玉三采當以璵為正故先鄭從璵為惡玉名也

玉

朽玉也從玉有聲讀若畜牧之畜

許救切

朽玉也者言治玉也玉篇玉欣救切玉工也廣韻玉朽玉也皆以玉珣同義廣韻又云珣玉朽玉類篇珣玉與玉同珣玉工洪武正韻王古作王自泰更隸始加點以別王字點在下畫之旁者寶玉字也點在中畫之旁者許救息六二切朽玉也俗書玉王不辨讀若畜牧之畜者錢君大昭曰史記索隱引三輔波錄杜陵有王氏音肅說文以為從玉音畜牧之畜據引說文所云有王氏蓋誤析珣為有玉二字禮記與其有珣斂之臣皇侃論語義疏引作與其

畜嶽斂之臣又寧有盜臣唐書會貨志引作寧畜盜臣是有畜聲相近

璫

美玉也從玉容聲春秋傳曰璫弁玉纓

似沿切

美玉也者尙書在璫璣玉衡馬注璫美玉也春秋傳云云者信二十八年左傳文彼作璆張衡西京賦亦引作璫

璫

古文璫

璫

籀文璫

徐鉉本作璫玉篇廣韻同

球

玉磬也從玉求聲

巨鳩切

詩長發受小球大球毛傳球玉也書禹貢厥貢惟球琳珉珎傳云球琳皆玉名顧命大玉夷玉天球鄭注天球雍州所貢之玉色如天者三者皆樸未見琢治故不以禮器名之玉藻笏天子以球玉注云球美玉也晏子帶球玉而冠胡謂曰案特磬以玉爲之堂上之樂也鳴球是已成之磬也未成器者謂之天球言天然之球也然球亦不止爲磬詩

大雅韓琫有琕傳云諸侯盥琫而璆琕商頌受小球大球箋云受小玉謂尺二寸圭也受大玉謂珽長三尺禮記玉藻曰璆璉天子以球玉是圭也

璆璉也者徐鍇本玉也無璆字韻會外同書顧命大球琕注球玉璆益稷擊鳴球鄭注鳴球即玉璆也魯語文仲以璆主與玉璆如齊告糴卓云玉璆鳴璆也漢書禮樂志璆璉金鼓師古曰璆美玉名以為璆也晉語籛條蒙璆卓云璆玉璆也馥案雍州貢球琳琅耳此球是璞玉夏竦鳴球此球是已成之璆益球中為璆故璆亦稱球但本書不應舍其璞之本名而反舉成器以為訓也典畧衛夫人南子自帷中再拜環佩之璆璆然璆然者其聲如球故知球中為璆

璆璉 球或從璆

禹貢厥貢惟球琳琅耳鄭本作璆云美玉釋地西北之美者有昆崙虛之璆琳琅耳馮郭注璆琳美玉名楚詞九歌璆璉鳴兮琳琅王注璆琳琅皆玉名也詩韓琫有琕傳云諸侯盥琫而璆璉

說文解字義證

卷二

圭

連筠篔簹書  
靈石楊氏棐

璵 美玉也從玉林聲切

上林賦玖瑰碧琳西都賦琳珉青焚馥謂琳色青碧者也  
後周書高琳母嘗被襖潤漬見一石光彩朗潤遂持以歸是  
夜夢一人謂之曰此浮磬之精若能實持必生令子俄而有  
妊生子因名琳馥謂此因球琳遂以琳為磬漢書音義琳球  
也

美玉也者釋地西北之美者有崑崙虛之璆琳琅玕  
器璆琳玉也郭注玆云璆琳美玉名漢書司馬相如傳琳  
珉昆吾張拈曰琳玉也

璵王 璵玉闌也從玉辟聲切

宋策白璧一高注肉倍好曰璧 急就篇璧碧珠璣玖瑰璠  
顏注璧玉璧也肉倍好謂之璧肉謂外溫之質好謂孔言質  
大而孔小居一倍也 周禮小行人六幣璧以帛考工記璧  
羨度尺好三寸以為度鄭司農云羨徑也好璧孔也 白虎  
通璧以聘問何璧者方中圓外象地地道安寧而出財物故  
以璧聘問也方中陰德方也圓外陰繫於陽也陰德盛於內

故見象於內位任中央璧之為言積也中央故有天地之象所以採用也內方象地外圓象天也

瑞玉圖也者范應元老子注引無圖字晉中興書義熙十二年左衛陳陽於府事前淮水中得璽其文曰王者不隱其過則玉璽見璧亦璽也故謂璽與璽同故稱瑞玉也周禮大宗伯注璧圓象天璽案本謂璽與璽同故稱瑞玉也

玉

大孔璧人君上除陛以相引從玉發聲爾雅曰好倍

肉謂之暖肉倍好謂之璧

王莽切

大孔璧者孔大能容手人君上除陛以相引者本書爰引也故從爰謂引者奉璧於君而前引其璧則若易升續漢書文士傳應劭字仲瑗漢官儀及劉寬碑陰故吏名玆作仲瑗文心彫龍議對篇亦作仲瑗爾雅云云者釋器文郭注肉邊也好孔也瑗孔大於邊也覆謂漢書五行志宮門銅瑗亦取孔大容手以便開闢

玉

璧也肉好若一謂之環從玉發聲

戶關切

昭十六年左傳宣子有環注云玉環晉語以環釋言韋注環玉環環還也世本舜時西王母獻白環及玦孫子兵

玉



勢篇奇正相生如循環之無端孰能窮之

淮南說林訓環可以喻員不可以輪  
肉好若一謂之環者釋器文左傳正義引李巡曰其孔及  
邊肉大小適等曰環急就篇上玳瑁佩摩從容顏注肉好  
皆一謂之環言孔及  
質廣狹豐殺正齊也

璜人半璧也從玉黃聲切

周禮小行人六幣璜以輔白虎通璜所以徵召何璜者半  
璧位在北方北陰極而陽始起故象半陰陽氣始施徵召萬  
物故以徵召也不象陽何陽始物微未可見也璜者廣也質  
尊之命也陽氣橫於黃泉故曰璜璜之為言光也陽光所及  
莫不動也象君之威命所加其  
敢不從陽之所施無不節也

半璜也者三禮圖半璜為璜思元賦舊注引字林半璜曰  
璜周禮大宗伯以元璜禮北方注云半璜曰璜象冬閉藏  
地上無物惟天半見疏云半璜曰璜逸禮記文大義禮係  
傳篇下有雙璜盧辯注半璜曰璜淮南精神訓夫有夏后  
氏之璜者匣匱而藏之寶之至也高注半璜  
曰璜漢書王莽傳夏后之璜顏注半璜曰璜



瑞玉大八寸似車釭從玉宗磬

藏宗切

周禮小行人六幣琮以錦白虎通琮以起土功發聚眾何  
琮之為言聚也象萬物之宗聚也功之所成故以起土功發  
聚也位在西方西方陽收功於內陰出成於外內同

象陽外直為陰外身而內湊象聚會也故謂之琮  
瑞玉大八寸者考工記玉人之事璧琮八寸以規聘餼案  
本書言八寸即璧琮故曰瑞玉似車釭者徐鍇曰謂其  
狀外八角而中圓也戴侗曰  
車釭其外八方而圓其中



發兵瑞玉為虎文從玉從虎虎亦磬春秋傳曰賜子

家雙琥

呼古切

三禮圖白琥以玉長九寸廣五寸刻伏虎  
形高三寸周禮小行人六幣琥以繡

發兵瑞玉為虎文者趙宦光曰古玉虎符扁體不全形不  
故體亦無字故曰虎文與琥同義後漢書杜詩上書曰舊  
制發兵皆以虎符餽案漢有虎符以銅為之漢書文帝初  
與郡守為銅虎符張晏曰符以代古之圭璋從簡易也

靈石楊氏

謂圭璋即琥類 從虎虎亦聲者徐鍇本作虎聲 春秋傳云云者昭三十二年左傳文彼作賜于家子雙琥徐鍇本有子字句未有是字馥案杜注云琥玉器考古圖有駟琥猶駟琮大宗伯以白琥禮西方禮器琥黃璣



璣早玉龍文從玉從龍龍亦聲 力鍾切

璣早玉龍文者宋祁漢書楊雄傳校本引字林璣早玉為璣廣韻璣圭為龍文書典寶序倂厥寶玉傳云玉以禮神使無水旱之災故取而寶之楚語玉足以庇陰嘉穀使無水旱之災則寶之注云玉祭祀之玉也錢君大昭曰山海經應龍在地下故數旱旱而為應龍狀乃得大雨禱旱之玉為龍文者即此意昭二十九年左傳獻龍輔於齊侯杜注龍輔玉名正義云說文云璣禱旱玉也為龍文馥案龍輔謂龍節以玉為函輔非此璣也 從龍龍亦聲者徐鍇

本作龍聲



圭有琬者從玉宛聲 於阮切

圭有琬者者徐鍇曰琬謂婉然窈也琬之言婉也窈然象柔婉也馥案考工記琬圭九寸鄭注琬猶圓也馥謂圓猶

言衣上畫  
火為圖也

璋

剡上為圭半圭為璋從玉章聲禮六幣圭以馬璋以

皮璧以帛琮以錦琥以繡璜以黼

諸良切

考工記大璋中璋九寸邊璋七寸射四寸厚寸白虎通璋以發兵何璋半圭位在南方南方陽極而陰始起兵亦陰也故以發兵也不象其陰何陰始起物尙凝未可象也璋之為言明也賞罰之道使臣之禮當章明也南方之時萬物莫不章故謂之璋

剡上為圭者聘禮所以朝天子圭與纁皆九寸剡上寸半厚半寸博三寸白虎通圭者兌上象物始生見於上也上兌陽也下方陰也半圭為章者書顧命秉璋以酢傳云半圭曰璋聘禮受夫人之聘璋注云其聘用璋叔其半圭也大宗伯以赤璋禮南方注云半圭曰璋象夏物半叔詩斯干載弄之璋械樸左右奉璋傳並云半圭曰璋定八年公羊傳寶者何璋判白注云判半也半圭曰璋白藏天子青藏諸侯山海經南山經用一璋玉瘞注云半圭為璋後

漢書劉儒傳有珽璋之質注云珽璋玉也半珽

珽璋 璧上起美色也從玉炎聲切

珽 大圭也從玉介聲周書曰稱奉介圭切

釋器珽大尺二寸謂之珽 詩松高

錫爾介圭韓奕以其介圭入覲于王

大圭也者與珽圭尺二寸等釋詁介大也

周書稱奉介圭者顧命文彼云大保承介圭又云賓稱奉

圭徐鍇本引書 作珽圭見韻會

日珽 圭尺二寸有瓚以祠宗廟者也從玉易聲切

不書詩下云禮祭束茅 加于裸圭而灌鬯酒

圭尺二寸有瓚以祠宗廟者也者考工記玉人祿圭尺有二寸有瓚以祀廟注云祿之言灌也謂始獻酌質也瓚如盤其柄用圭有流前注小宗伯凡祭祀賓客以時將瓚祀注云祭祀以時奉而授王天子圭瓚諸侯璋瓚疏云天子

用圭瓚者玉人云祿圭尺有二寸者是也典瑞祿圭有瓚以肆先王以裸賓客先鄭云於圭頭為器可以提瓚祿祭謂之瓚故詩曰卣彼玉瓚黃流在中國語謂之瓚圭以肆先王祿先王祭也後鄭云漢禮瓚槃大五升日徑八寸下有槃口徑一尺詩江漢釐爾圭瓚傳云九命賜圭瓚臣瓚王制賜圭瓚然後為瓚注云圭瓚瓚也王肅云瓚所以斟鬯也祭統君執圭瓚裸尸大宗執璋瓚亞裸注云圭瓚璋瓚裸器也以圭璋為柄酌鬱瓚曰裸明堂位灌用圭瓚大圭注云瓚形如槃容五升以大圭為柄是謂圭瓚魯文仲以瓚圭與玉幣如齊告糴卓注瓚圭祿圭之圭長尺二寸有瓚以祀廟周語奉犧牲玉瓚往獻焉韋注玉瓚瓚酒之圭長尺二寸有瓚所以饋地降神之器尚書大傳賜圭瓚者得為簪以祭不得賜圭瓚者資獨於天子之國然後祭漢書王莽傳圭瓚二顏注以圭為勺末楊雄傳玄瓚蘇繆矩瓚泚淡張晏曰瓚受五升口徑八寸以圭為柄用灌鬯三禮圖圭瓚受四升徑八寸形如盤其柄以圭為前流後漢書公孫瓚字伯珪馥案瓚圭即瓚圭也賜瓚相近因其灌鬯而稱之猶毫牛稱旄牛

圭瓚 桓圭公所執從玉獻臂切胡官

感后楊氏集

桓圭公所執者賦桓桓聲相近徐鉉本作三公所執圭圭字云公執桓圭九寸周禮大宗伯公執桓圭圭注云雙植謂之桓桓宮室之象所以安其上也桓圭蓋亦以桓為珠飾圭長九寸聘禮記所以朝天子圭與纁皆九寸注云九寸三公之圭也

班

大圭長三尺抒上終葵首從玉廷聲他鼎切

考工記玉人注引相玉書曰班玉六寸明白炤

大圭長三尺者詩長發受小珠大珠箋云受大玉謂班也長三尺打抒上終葵首者徐鉉繫傳曰打取上謂削取其上也疑錯本作抒取上抒當為抒考工記輪人凡為輪行澤者欲杼注云杼謂削其踐地者方言豐人杼首杼首長首也楚謂之杼燕謂之杼本書雄齊謂之終葵廣雅終葵椎也顏氏家訓名實篇東萊王韓晉明嘗問人玉班杼上終葵首當作何形乃答云班頭曲圓勢如葵葉巨韓既有學忍笑為吾說之周書王會解朝服八十物摺班注云班笏也五經異義天子笏曰班班挺直無所屈也考工記玉人大圭長三尺杼上終葵首天子服之注云王所摺大圭

也或謂之琕終葵推也為推於其杵上明無所屈也杵潤也禮器大圭不琢注云大圭長三尺杵上終葵首玉藻天子指琕注云琕之言挺然無所屈也或謂之大圭長三尺杵上終葵首者於杵上又廣其首方如椎頭是謂無所屈後則恆直荀子大畧篇天子御琕注云琕大圭長三尺杵上終葵首謂刻上至其首而方也

琕

諸侯執圭朝天子天子執玉以冒之似翠冠周禮曰

天子執珪四寸從玉珪亦聲

莫報切

諸侯執圭朝天子天子執玉以冒之者顧命上宗奉同珪傳云珪所以冒諸侯圭以齊瑞信虞翻別傳伏見故微上北海鄭元所注尚書以顧命康王執珪古訓似同從微作同既不覺定復訓為括謂之謂括微案虞說蓋謂顧命當云上宗奉日珪尚書大傳古者圭必有冒言下之必有冒不敢專達也天子執冒以朝諸侯見則覆之故冒圭者天子所與諸侯為瑞也諸侯執所受圭以朝於天子瑞也者瑞也無過行者得復其圭以歸其國有過行者留其圭能改過者復之三年圭不復少黜以爵六年圭不復少黜以地九年圭不復而地削此謂諸侯之朝於天子也義則



見屬不義則不見屬白虎通文質篇合符信者謂天子執  
珪以朝諸侯諸侯執圭以觀天子珪之為言冒也上有所  
覆下有所以朝諸侯故觀禮曰侯氏執圭升堂尚書大傳曰天  
子執珪以朝諸侯似犁冠者犁當為絳徐鍇曰犁冠即  
犁纓也今字書作犁鎡稷案釋樂釋文引字林鎡田器也  
江南人呼犁力為鎡周禮曰天子執珪四寸者考工記  
玉人又彼云天子執冒四寸以朝諸侯鄭注名玉曰冒者  
言德能覆蓋天下也四寸者方以尊接卑以小為貴稷案  
玉篇珪圭長四寸天子執之顧命傳云方四寸袁刻之

珪 古文省

玉篇作珪  
此從目誤

珪

玉佩從玉敷聲古了切

珪

佩上玉也所以節行止也從玉行聲戶庚切

佩上玉也所以節行止也者李善注思元賦云說文曰珪  
縣行也從玉行聲字林曰珪佩玉所以節行玉篇佩玉所

以節行步也。散案玉篇乃引說文與李善所引異。周禮玉  
府共王之服玉佩玉珠玉。注引詩傳佩玉上有蔥衡下有  
雙璫。衡牙瑱珠以納其閒。散案衡珩通楚語。楚白珩猶在  
乎。韋注珩珩佩上之橫者。晉語白玉之珩。六雙韋注珩佩上  
飾也。珩形似磬而小。詩傳曰上有蔥珩下有雙璫。賈誼書  
賜玉以行。鳴玉者佩玉也。上有蔥珩下有雙璫。衡牙瑱珠  
以納其閒。珩珩以維之行。以采齊趨以肆夏步中。規折中  
矩初學記引三禮圖凡玉珩上有雙衡。衡長五寸。傳一寸  
下有雙璫。璫徑三寸。衡牙瑱珠以納其閒。上下為衡半堂  
為璫。璫中橫以衡牙以蒼珠為珩。後漢書張衡傳雜技鼓  
珩佩玉也。珩注云

珩

玉佩也。從玉支聲。

古穴切。

續漢書桓帝時光祿吏舍下得玉鉤。珩各一鉤。長七寸三分  
半。環謂之珩。後漢書馮魴傳魴犀具劍佩刀紫綬。綬注  
珩各一注云半環曰珩。以飾帶也。莊子田子方篇緩佩珩  
者。事至而斷。史記項羽本紀范增數目項王舉所佩玉珩  
以示之者三。後漢書齊武王續傳更始叔伯升寶劍視之  
見之。詳字義登。卷二

連筠篴叢書

靈后楊氏某

繡衣御史中屠建隨獻玉玦更始竟不能發及罷會伯升舅  
樊宏謂伯升曰昔鴻門之會范增舉玦以示項羽今建此意  
得不善乎注云玦決也令早決斷又袁紹傳願熟詳吉凶以  
賜環玦王隱晉書禮使能決疑者佩玦隨巢子召人以  
環絕人以玦反絕以環注云古者臣有罪待放於境三年不敢  
絕人以玦反絕以環注云古者臣有罪待放於境三年不敢  
去與之環則還與之玦則絕皆所以見意也

玉佩也者楚詞九歌捐余玦兮江中注云玦玉佩也先王  
所以命臣之瑞也故與環即還與玦即去也漢書雋不疑  
傳佩環玦顏注環玉環也玦即玉佩之玦也帶環而又著  
玉佩也後案或以金為之閔二年左傳佩之金玦又云金  
寒玦離

珩

以玉為信也從玉尚聲是偽切

珩

珩也從玉月亦聲仍吏切

一切經音義八蒼頡篇珩珠珩也目珩垂珠者也洛神  
賦珩江南之明珠傳元鏡賦珩明瑞之迢迢晉令上卒

白工不得服

真珠璫珥

珥也者本書賦讀若珥珥之珥列子周穆王篇設筭珥注  
云珥珥也冕上垂玉以塞耳史記李斯傳傅璫之珥索隱  
珥者珥也後漢書和熹鄧皇后紀簪珥光采注  
云珥珥也以玉充耳 耳亦簪者當為耳簪

珥

以玉充耳也從玉耳聲詩曰王之珥兮

他何

以玉充耳也者釋名珥珥也懸當耳旁不欲使人妄聽自  
鎮重也或曰充耳充塞也塞耳亦所以止聽也詩著充耳  
以素乎而尚之以璫華乎而傳云素象珥珥華美耳士之  
服也箋云素謂所以懸珥者或名為統緘之尚猶飾也飾  
之以璫華者謂懸統之末所謂珥也人君以玉為之璫華  
耳色似璫也洪興充耳璫璫傳云充耳謂之珥都人士充  
耳璫實箋云言以美耳為珥珥塞耳王肅云以美耳為珥  
塞實其耳周禮弁師玉珥王笄注云玉珥塞耳者士喪禮  
珥用白纁注云珥充耳檀弓角珥注云珥充耳也吉時以  
玉人君有珥昭二十六年左傳縛三如珥注云珥充耳正  
義云禮以一條五采橫冕上兩頭下垂繫黃絲縣下又縣  
玉為珥以塞耳楚語其又以規為珥也韋注珥所以塞耳

連筠修義書

也廣韻琬充曰玉覆案琬瑋變夷充耳也漢金城郡有允  
昌縣詩曰王之瑱兮者鄒風君子偕老文兮彼作也孫  
毓引本書亦作兮傳云  
瑱塞目也釋文充目也

瑱

瑱或從日

瑱

佩刀上飾天子以玉諸侯以金從玉奉聲

邈孔切

佩刀上飾者釋名刀室曰削室口之飾曰琕琕捧也捧束  
口也詩公劉琕琕容刀傳云下曰琕上曰琕瞻彼洛矣琕  
琕有琕傳云琕上飾琕下飾天子玉琕而琕琕琕諸侯瑱瑱  
而瑱瑱桓二年左傳藻率琕琕注云琕佩刀削上飾琕下  
飾劉炫以毛詩傳下曰琕上曰琕而規杜過詩詁曰內則  
注遺刀琕琕上飾琕下飾毛傳言下曰琕者因琕為在上  
之飾下則指琕之體言也韻會曰案說文詩傳皆言琕刀  
琕也琕上飾琕下飾左傳藻率琕琕杜注琕刀削上飾琕  
下飾蓋誤以琕琕為上下飾也諸韻今皆注為刀下飾蓋  
承用杜注而未詳說文詩傳之義也陳啟源曰小爾雅宋  
咸注以琕為上飾琕為下飾玉篇廣韻亦以琕為上飾互  
有異同俱不足信任君大椿曰案說文云琕上飾詩琕琕

容刀傳云上曰琫琕琕有琕傳云琕上飾詩釋文亦云琕  
佩刀鞘上飾藝文類聚太平御覽引字林皆作琕下飾下  
字當為上字之誤類篇作下飾亦誤集韻引說文云琕佩  
刀下飾今本說文明作上飾亦猶後人誤引字林作下飾  
而原書則自作上飾也馥案說文小  
字本李憲本并作下飾皆後人改之

**琕**

佩刀下飾天子以玉從玉必聲

卑吉

佩刀下飾者小爾雅廣器琕琕之飾也任君大椿曰案藝  
文類聚引字林云琕佩刀上飾考說文琕刀室然則琕無上  
義云古之言琕猶今之言鞘廣韻云琕刀室然則琕無上  
飾之訓考琕琕容刀傳云上曰琕下曰琕正義云琕者刀  
鞘之名琕者鞘之上飾下不言其飾指琕之體故云下曰  
琕上則有飾可名故云上曰琕據此則琕不特非上飾玃  
不得以飾名也此云琕佩刀上飾殊誤考琕琕有琕傳玃  
下飾說文亦云琕下飾釋文玉篇玃通作琕意此條琕字  
乃琕字之誤上飾乃下飾之誤馥案御覽引字林作琕汗  
簡作琕釋名下末之飾曰琕琕卑也在下之言也字竟從  
卑卑必聲不相  
近形聲兩失之

玉 劍鼻玉也從玉挺聲

直例切

劍鼻玉也者不書鐔劍鼻也考古圖有瑞玉璚執文類聚引字林璚劍鼻也腹案漢書王莽傳孔休謁見莽莽進其玉具寶劍休不何受莽因曰誠見君面有瘕美玉可以滅瘕欲獻其璚曰即解其璚服虔曰璚音衛蘇林曰劍鼻也顏云璚字本作璚從玉挺聲後轉寫者訛也璚自璚璚字目音篆也腹謂璚文類聚之誤與漢書制也初學記劍鼻謂之璚注云見字林匈奴傳玉具劍孟康曰標首鐔衛盡用玉為之顏曰南劍鼻也字本作璚

玉 車蓋玉璚從玉蚤聲

側絞切

車蓋玉璚者徐鍇曰謂車蓋椽之首以玉為飾若手叉也蓋二十八椽也東京賦羽蓋威蕤葩璚曲蓋注葩爪悉以金作華形莖皆曲李善引獨斷曰凡乘輿車皆羽蓋金華爪爪與璚同王融曲水詩序重英曲璚之節漢書王莽傳莽乃造華蓋九重高八丈一尺金璚羽葆蔽以祕機四輪車顏云璚讀曰爪謂蓋弓頭為爪形或借蚤字續漢書輿服志羽蓋華蚤恒譚新論謂楊雄曰君之為黃門郎居殿中數見輿輦玉蚤華芝及鳳皇三蓋之屬皆元黃五

色飾以金玉翠羽珠絡錦繡茵席也 蚤聲者當為又

琢

又手足甲也隸體喜茂密改從蚤後復改篆以從隸也

直戀切

圭璧上起兆琢也者兆琢當為琥琢琢聲相近兆畔也  
圭璧上起兆琢也者兆琢當為琥琢琢聲相近兆畔也  
琢耕發土也玉篇琢圭有圻鄂是也考工記鐘帶謂之篆  
篆間謂之枚復謂篆卽琥琢言鐘界為扁方處也先鄭云  
琢有圻鄂琢起後鄭云渠眉玉飾之溝琢醜謂三琢字並  
當作琢禮器大圭不琢注云琢當為琢字之誤也列子黃  
帝篇彫琢復朴漢書司馬遷傳今雖欲自彫琢顏曰琢刻  
也董仲舒傳良玉不琢顏曰琢謂彫刻為文也東方朔傳  
陰奉調琢刻鏤之好以納其心顏曰瑀與彫同畫也琢謂  
刻為文也水經注襄水東南歷小石門穿山通道漢司隸  
校尉楊厥所開建和二年王升琢后頌德或借篆字周禮  
巾車孤垂夏篆注云或曰夏篆篆讀為主琢之琢夏篆較  
有約也莊子達生篇得於於豚楯之上釋文豚猶篆也豚  
楯雕相也趙希鵠洞天清錄周器彫篆細密任昉為范雲  
讓吏部封侯表篆刻為文顏氏家訓或問楊雄曰吾子少  
而好賦雄曰然童子雕蟲篆刻壯夫不為也隋書禮儀志  
皇后之車十二等五日雕輅六曰篆輅周禮曰琢圭璧

說文解字義證

卷二

四

連筠移叢書



者春官典瑞琕圭璋璧琮又云牙璋以起軍旅鄭司農云牙璋琕以爲牙牙商兵象考工記玉人琕圭璋又云琕圭制半以上又半爲琕飾大宗伯王執鎮圭注云蓋以四鎮之山爲琕飾復謂此皆琕圭璧之事也

琕

琕玉之琕從玉且聲

則古切

琕玉之琕者考工記玉人琕琕八寸諸侯以享夫人或借琕字周禮典瑞駟圭璋璧琕琕璜之渠倉

琕

弁飾往往冒玉也從玉綦聲

渠之切

弁飾往往冒玉也者冒當爲貫往往徐鍇本作行行後人改之案詩韓奕降革金厄箋云以金爲小環往往嚙搯之正義云往往者言其非一二處也馥謂此琕貫玉十二故曰往往也詩鳴鳩其弁伊綦箋云綦當作琕以玉爲之釋文綦說文作琕洪興會弁如星箋云會謂弁之縫中飾之以玉嚙嚙而處狀似星也周禮弁師王之皮弁會五采玉琕注云鄭司農云琕讀如綦車轂之綦元謂會縫中也琕讀如薄借綦之綦綦結也皮弁之縫中每貫結五采玉十二以爲飾謂之綦詩云會弁如星又曰其弁伊綦是也又云韋弁皮弁則侯伯琕飾七子男琕飾五玉亦三采孤則

璫飾四三命之卿璫飾三再命之大夫璫飾二玉亦二采  
信二十八年左傳楚子玉白為瓊弁玉纓注云瓊王之別  
名次之以飾弁晉書輿服志皮弁以采玉珠為璫璫  
結也俗作璫北史隋煬帝紀上常服皮弁十有二璫

璫璫或從基

周禮作璫謝承後漢書黃向辰步路中得珠璫一囊或  
借基字周書王會解王元繚碧基十二注云基玉名

璫玉飾如水藻之文從玉臬聲虞書曰璫火粉米子飾

玉飾如水藻之文者璫藻聲相近太平御覽引玉飾似水  
藻也五經文字璫玉色如藻山海經西山經洛水其中多  
藻玉郭注藻玉玉有符采者徐鍇曰藻水中細艸今俗名  
爪菜是也書益稷傳云藻水艸有文者馥謂此皆言璫玉  
如藻惟鄭氏以細采當之其注禮器天子之冕朱綠藻云  
藻絮而文眾采如之故曰藻又注玉藻天子玉藻上有二  
旒云雜采曰藻天子以五采藻為旒其說與本書異又案  
諸書多借藻字惟郊特牲戴冕璫十有二旒作璫虞書  
曰璫火粉米者益稷文彼作藻大傳作璫粉米釋  
文引作粉璫本書無璫有絛云繡文如聚細米也

徐王

垂玉也冕飾從玉流聲

切力求

經典多  
借旌字

垂玉也者古今注牛亨問曰冕旒如繁露何也答曰綴而下垂如露之繁多故曰繁露中興書曰繁露之名先儒未  
有釋者案逸周書王會解天子南面立綬無繁露注云冕  
之所垂也有聯貫之象冕飾者本書冕達延平塗統纁  
周禮玉府共王之服玉卿司農云服玉冠飾十二玉郊特  
牲戴冕璪十有二旒則天數也大戴禮入官篇故古者冕  
而前旒所以蔽明也禮記天子玉藻十有二旒周禮弁師  
五采纁十有二就皆五采玉注云此為衰衣之冕十二旒  
則用玉二百八十八釐衣之冕纁九旒用玉二百一十六  
纁衣之冕七旒用玉百六十八希衣之冕五旒用玉百二  
十元衣之冕三旒用玉七十二隋書引禮圖釐冕天子九  
旒用玉二百十六侯伯服以助祭七旒用玉八十纁冕天  
子七旒用玉百六十八子男服以助祭五旒用玉五十纁  
冕天子五旒用玉百二十孤卿服以助祭四旒用玉三十  
二玄冕天子四旒用玉三十二諸侯服以祭其宗廟三旒  
用玉十八晉中興書中興東遷舊章多闕而冕旒飾以翡翠

翠珊瑚及雜珠等侍中顧和奏舊冕上有二旒皆用玉珠  
今用雜珠等非禮通鑑漢明帝賜郭賀黼冕旒注云東  
漢之制冕冠垂旒前後蓬延  
三公諸侯之旒青玉爲珠

瑞

玉器也從玉𠂔聲讀若淑殊六切

說見騶下

玉璫也者徐鍇曰爾雅璋大八寸謂之琕說文有璫無琕宜同也

100

玉器也從玉昌聲

玉璫也。在錢君大昭曰：韓詩說璫，天子以玉是璫爲天子酒尊。璫，啓者，本古無璫。案，葛樞偏輯璫藥璫，易並從璫。啓，趙光訓當有。璫字偶遺佚爾。

璽

玉色鮮白從玉差聲切七何

切七何

徐鍇本無此文張  
次正據本書加之

說文解字義證

連筠移叢書

玉色鮮白者最後人加玉字此與珣皆泛言色鮮白  
不專屬玉詩君子偕老嗟兮嗟兮箋云展衣宜白

**珣** 玉色鮮也從玉此聲詩曰新臺有珣千禮切

或借此字山海經  
泗水其中多珣碧

玉色鮮也者後人加玉字韻會引徐鍇本解下有潔字詩  
君子偕老珣兮珣兮傳云珣鮮盛貌釋文引本書云新色  
鮮也字林云鮮也玉篇鮮明貌後漢書黃憲傳去珣者注  
引本書珣鮮色也詩曰新臺有珣者即風新臺文彼作  
泚傳云泚鮮明貌釋文云  
說文作珣云新色鮮也

**珣** 玉英華相帶如瑟弦從玉瑟聲詩曰瑟彼玉瓚所櫛切

玉英華相帶如瑟弦者瑟瑟聲相近本書璠下引孔子曰  
近而視之瑟若也當作此瑟詩尚之以瓊華尚之以瓊英  
言玉之有英華也詩曰瑟彼玉瓚者大雅旱麓文彼作  
瑟箋云瑟潔鮮貌釋文瑟又作璠周禮典瑞注鄭司農引  
詩作珣  
彼玉瓚

瑱

玉英華羅列秩秩從玉泉聲逸論語曰玉粲之璫兮

其璫猛也力質切

總聘義續密以栗韻謂卽此璫

玉英華羅列秩秩者璫秩替相近秩當爲璫逸論語云云者齊論語有問玉篇論衡正說篇云武帝發取孔子壁中古文得二十一篇齊魯河閒九篇玉海云許氏說文有所謂逸論語是康成之說未行而論語散逸已有不傳者

璫

玉色從玉熒省聲一曰石之次玉者逸論語曰如玉

之璫易定切

玉色者周書蘇綽傳夫以玉未剖與石相類及其剖而璫之玉石始分熒省聲者後漢書班固傳琳珉青璫

一曰石之次玉者者詩淇奥充耳琇璫傳云琇璫美石也又著尚之以璫璫乎而傳云璫璫石似玉逸論語云云

說文解字彙登

卷二

三

連筠移叢書

者法言吾子篇如  
玉之瑩爰變丹青

璊

玉經色也從玉南聲禾之赤苗謂之夢言璊玉色如

之  
莫奔切

玉經色也者詩大車毳衣如璊傳云璊類也釋文云說文  
璊玉類色也正義云說文璊玉赤色也故以璊為類 禾  
之赤苗云云者璊夢聲相近本書璊下引詩毳衣如璊說  
云色如夢故謂之璊夢禾之赤苗也夢溪筆談櫻之璊色  
者謂之縻縻色在朱黃之  
間似縻非縻蓋所謂璊也

琬

琬或從琬

發夾充口謂之琬琬當是  
以琬玉為之故取名焉

瑕

玉小赤也從玉段聲

乎加切

玉小赤也者廣雅赤瑕玉史記司馬相如傳赤瑕駸駸索  
隱曰說文云瑕玉之小赤色張揖曰赤玉也宣十五年左

傳瑾瑜匪瑕禮聘義瑕不掩瑜鄭注瑕玉之病也詩德音不瑕傳云瑕過也箋云言不可瑕疵也正義云瑕者玉之病玉之有瑕猶人之有過馥謂玉尚潔白故謂小赤為病或借瑕字海賦瑕石說暉李善云說文云瑕玉之小赤色者也馥案李注引書多就文選本字非說文別有從石之瑕也

琢

治玉也從玉豕聲

竹角切

治玉也者襄十五年左傳使玉人爲之攻之注云攻治也詩有客敎琢其旅箋云言敎琢者以賢美之故玉言之正義云謂以治玉之事言擇人也釋器云玉謂之琢詩淇奥如琢如磨傳云玉曰琢孟子必使玉人雕琢之周禮大宰百工飭化八材鄭司農云玉曰琢詩追琢其璋案周禮有追師注云追治玉石之名史記禮書爲之琢磨圭璧以通其意魯連子楚王與魯君不琢之璧學記玉不琢不成器韓詩外傳玉不琢不成器家有千金之玉不知治猶之貧也荀子大略篇和之璧井里之厥也玉人琢之爲天下寶潛夫論讀學篇雖有玉璞卞和之資不琢不錯不離礫石蔡邕勸學寶玉不琢不成璋珪



瑀

治玉也一曰石似玉從玉周聲

都察切

治玉也者初學記瑀治璞也或借雕字釋器玉謂之雕孟  
子必使玉人雕琢之一曰石似玉者荀子大略篇天子

雕弓謂以瑀飾  
弓或曰雕畫

理

治玉也從玉里聲

良止切

治玉也者藝文類聚引尹文  
子鄭人謂玉未理者為璞

珍

寶也從玉彡聲

陟鄰切

寶也者本書寶珍也儒行儒有席上之珍以待聘典瑞珍  
圭杜子春讀為鎮圭韻案天府凡國之玉鎮大寶器藏焉

陳琳馬瑀勒賦遭時顯價冠世珍今  
盧諶詩不特下和顯白為命世珍

玩

弄也從玉元聲

五換切

書旌獎玩人喪德玩物喪志  
列子海上人有好滬鳥者其父曰取來吾玩之

弄也者本書弄玩也從廿持玉列仙傳有弄玉釋言弄玩也字林玩弄也楚語若夫白珩先王之玩也韋注玩玩弄之物郭璞奏臣以為珍奇靡麗之物誠是玩弄之所寶

玩

玩或從貝

玲

玉聲從玉令聲

郎丁切

玉聲者埤蒼玲瓏玉聲也太元唐次三唐素不貞凶彼瓏玲注云瓏玲玉聲也漢書揚雄傳前殿崔巍兮和氏瓏玲孟康曰以和氏璧為梁璧帶其聲瓏玲也後漢書班固傳和璧瓏玲瓏注云玲瓏聲也

玲

玉聲也從玉倉聲詩曰儻革有玲

七羊切

玉聲也者詩有玲瓏珣傳云玲瓏聲也或借鎗字文選藉田賦衝牙鎗鎗李善注鎗鎗玉聲也又借鎗字玉藻進則揖之退則揚之然後玉鎗鳴也注云鎗聲貌又借將字詩終南佩玉將將詩曰儻革有玲者周頌載見文彼作鎗箋云鎗金飾貌與本書異

說文解字義證

卷二

三

靈石楊氏

玉聲也從玉丁聲齊太公子伋諡曰玨公

當經切

玉聲也者廣韻玨玲玉聲齊太公子伋諡曰玨公者書

顧命俾爰齊侯呂伋昭三年左傳微福於大公子公注云

二公齊先君漢書古今人表齊丁公伋師倚父詩譜周

武王封太師呂伋於齊是謂齊太公其子丁公嗣位於王

官昭十二年左傳昔我先王熊繹與呂伋並事康王杜注

呂伋齊太公之子丁公釋文綴木亦作伋襄二十五年傳

東郭偃謂崔武子曰今君出白丁注云齊丁公崔杼之

祖正義云諡法遠義不克曰丁馥案或作述義不勉

玉聲也從玉爭聲

楚耕切

玉聲也者韓愈

詩泉聲玉琮琤

玉聲也從玉貨聲

蘇果切

玉聲也者本書貨貝聲也馥謂編貝相擊有聲瑱

亦連玉之聲徐鍇引左思詩嬌語若連瑱是也

玉聲也從玉皇聲

乎光切

玉磬也者猶  
鐘為鐘磬

琬

石之似玉者從玉禹磬

王矩切

石之似玉者者呂氏春秋疑似篇玉人之所患患石之似玉者詩女曰鵲鳴正義引本書琬石次玉也三國典略阮瑀字元瑜大戴禮係傳篇似玉上有蔥衡下有雙璜琬琕以雜之衡牙北珠以納其間

琕

石之次玉者以為系璧從玉半聲讀若詩曰瓜瓞羣

羣一曰若食蟬

補蝶切

以為系璧者徐鍇曰系璧謂飾玉系也馥謂系璧當為璧系即璧帶漢書音義以璧為梁璧帶

玲

玲璫石之次玉者從玉今磬

古角切

玲璫石之次玉者者玉篇玲與璫同廣雅玞石之次玉漢書司馬相如傳璫玞元鴈張揖曰璫玞石之次玉者禹貢厥貢惟球琳琅玕鄭本琳作玲云玲美石也

玲

玲璚也從玉勒聲

盧則切

玲璚也者璚俗作功或省作勒山海經中山經葛山其下多城石郭注城石勒石似玉也馥案俗本勒譌作勁

璚

璚琚從玉居聲詩曰報之以璚琚

九魚切

璚琚者陳啟源曰女曰鵲鳴疏引說文琚琕玉名今本說文云璚琚與疏所引不同馥案五音集韻琚佩玉名徐鍇韻譜琚玉也其繫傳亦作璚琚蓋後人改之以同鉉本也詩曰報之以璚琚者衛風木瓜文傳云琚佩玉名案有女同車佩玉璚琚傳云佩有琚琚所以納閒

璚

石之次玉者從玉莠聲詩曰充耳璚瑩

息救切

石之次玉者者詩都人士充耳璚瑩傳云璚美石也後周書高琳字琇琳母於泗濱得一石夜夢一人謂曰石是浮磬之精受之必生令子及生琳因以名字焉詩曰充耳璚瑩者衛風淇奧文彼作琇傳云琇瑩美石也釋文琇說文作璚

玖

石之次玉黑色者從玉久聲詩曰貽我佩玖讀若芒

或曰若人句脊之句舉友切

石之次玉黑色者者詩木瓜報之以瓊玖傳云瓊玖玉名  
楊慎曰玖黑色玉可作鏡魏畧大秦國共山出九色久玉  
石一日青二日赤三日黃四日白五日黑六日綠七日紫  
八日紅九日紺今伊吾山中有九色石即其類魏畧今西  
域舊圖云罽賓條支諸國之瑜石即次玉也詩曰貽  
我佩玖者王風邱中有麻文傳云玖石次玉者讀若芒  
者詩與李子為韻宋玉招魂贈冰峩峩飛雪千里歸來歸來不可以久

瑯

石之似玉者從玉臣聲讀若貽與之切

石之似玉者者玉篇引  
蒼頡曰五色之石也

琅

石之似玉者從玉邑聲語巾切

石之似玉者者錢君大昭曰西山經踰次之山其陽多嬰  
珉之玉郭注如或作根根當為琅玉篇引張揖卑蒼琅琅

玉 石似

璚

石之似玉者從玉叟聲

余制切

璚

石之似玉者從玉巢聲

子皓切

璚

石之似玉者從玉進聲

將鄰切

璚

石之似玉者從玉瞽聲

側岑切

璚

石之似玉者從玉恩聲

倉紅切

讀若蔥者韓詩傳  
佩玉上有蔥衡

璚

石之似玉者從玉號聲

乎到切

璚

石之似玉者從玉寧聲

胡捌切

璚

石之似玉者從玉暇聲

烏貫切

璵

石之似玉者從玉燹聲

蘇叶切

璶

石之似玉者從玉句聲讀若苟

古厚切

璷

石之似玉者從玉言聲

語軒切

璸

石之似玉者從玉盡聲

徐刃切

璹

石之似玉者從玉佳聲讀若維

以追切

璺

石之似玉者從玉鳥聲

安古切

璽

石之似玉者從玉斜聲讀若睂

武悲切

璿

石之似玉者從玉登聲

都騰切

璠

石之似玉者從玉公聲讀與私同

息夷切

璫

石之似玉者從玉弓聲

羽俱切



粹地東方之美者有  
皆無間之珣玕琪璵

玉屬從王受聲讀若漫切莫悖

玉屬者玉篇引穆天子傳采  
石之山有珣玕琪璵曰玉名

黑石似玉者從玉皆聲讀若詣切戶皆

石之青美者從玉石白聲切兵八

煇世論碧似玉急就篇璧碧珠璣玫瑰糖顏注碧縹玉也

漢書司馬相如傳錫碧金銀顏注碧謂玉之青白色者也

李善引廣志曰碧有縹碧有綠碧淮南地形訓青水宜碧

其下多青碧注云碧亦玉類也今越舊會無縣東山出碧

漢書地理志越舊郡會無縣東山出碧徐廣晉記鮮卑以碧石

為寶孝經援神契神靈滋液則碧玉出瑞應圖碧石者  
玩弄之物不用則出漢武故事帝起神屋基及戶悉以碧

后 劉琨與兄子書單于但欲得君汝不可不檢送 趙庶  
光曰有西碧南碧之殊西番也其質凌其色綠中有黑子

南雲南也其質實其色  
綠或雜白黃者有之

后之青美者者太平御覽一切經音義十一引  
竝無青字魏畧陽嘉三年疏勒王獻海西青石

日 后之美者從玉昆啓虞書曰揚州貢瑤琨 古渾切

後漢書張衡傳獻環琨與瑱綱今注云環琨並玉佩  
也 白虎通修造無窮即佩環能本道德即佩琨也

后之美者若王肅注禹貢云瑤琨美后久玉者也 虞書  
云揚州貢瑤琨者禹貢瑤琨條簞是也本書引禹貢多傳

夏書此傳虞書後人亂之也  
傳虞夏書後人亂之也

玉 琨或從買

禹貢釋文琨馬本作瑣馥案漢書地理志引禹貢  
亦作瑣類篇瑣瑣美玉即廣雅琨瑤石之次玉者

玉 后之美者從玉民聲 武巾切

說文解字義證

卷二

玉

通鑑纂要

水經注清水云倉水出西北方山山西有倉谷谷有倉氏氏

石一百八十步深三尺其玉顏色潔白堪為器物隋朝官採川

貞觀中亦令採取其後為淮水所沒開元中淮水東移坑

復出其玉溫潤倍勝昔時蔡州至今以為厥貢

之首詩青青子佩傳云佩佩玉也士佩璫珉

珉注云石似玉者家語問玉篇玉貴而珉賤注云珉似

玉荀子法行篇君子之所以貴玉而賤珉者何也注云珉

次玉者也後漢書班固傳琳珉青瑛注云琳珉玳瑁石之次

玉者字或作璫廣雅璫石石之次玉楚詞九歎藏璫石於

金匱今王注

璫

玉之美者從玉審聲詩曰報之以瓊瑤

余招切

王之美者者御覽引玉作石詩木瓜釋文瑤美玉也說文

云美石王肅注禹貢璫珉美石次玉者也楚詞離騷璫瑤

璫之假塞今注云石次玉名曰璫九歌璫席兮玉璫注曰

璫石之次玉者也曾文曰周禮太宰之職享先王則贊玉

爵內幸之職后裸獻則贊璫爵禮記曰尸飲五若洗玉爵  
獻卿尸飲七以璫爵獻大夫公劉之詩曰何以舟之維玉  
及璫則知璫者玉之大也詩日報之以璫璫者術  
風木瓜文傳云璫璫美玉璫謂玉當為后後人改之

珠

蚌之陰精從玉朱聲春秋國語曰珠以禦火災是也

章俱切

釋地西方之美者有霍山之多珠玉焉鄒云霍山今在平陽  
弘安縣東北珠如今雜珠而精好鄒司農注周禮太宰云  
珠曰切疏云今爾雅木云骨曰切者蓋司農讀爾雅木作珠  
也荀子勸學篇淵生珠而崖不枯韓詩外傳良玉度尺  
雖有千仞之士不能掩其光良珠度寸雖有百仞之水不能  
掩其輝尸子凡水其方折者有玉其圓折者有珠淮南  
地形訓水國折者有珠方折者有玉注云圓折者陽也珠陰  
中之陽方折者陰也玉陽中之陰管子侈靡篇珠者陰之  
陽也故勝火玉者陰之陰也故勝水其化如神故天子藏珠  
玉初學記引江統真珠銘爾雅陰景係器太陽樊文淵  
七經義綱珠母者大珠在中小珠環之徐衷南方草木狀  
凡采珠常三月用五牲祈禱若祠祭有失則風攪海水或有  
兌文釋字彙登

大魚在蚌左右白蚌珠長三寸半在懷海中其一寸五分有  
光色一疋小平似覆釜為第一瑤珠凡三品其一寸三分  
雖有光色形不同正為第二滑珠凡三品沈懷遠南越志  
珠有九品大五分以上至一寸八分九分為大品有光彩  
小平似覆釜者名瑤珠瑤珠之次為走珠走珠之次為滑珠  
滑珠之次為縹珠縹珠之次為官雨珠官雨珠之次為  
稅珠稅珠之次為縹珠縹珠之次為官雨珠官雨珠之次為  
月珠月珠後漢書孟嘗傳合浦郡不產穀實而海出珠寶與交  
趾比境常通商販買糴糧食先時宰守益多貪饒詭人採求  
不知紀極珠遂漸徙於交趾郡界嘗到官草易前轍求民病  
利曾未踰歲去珠復還交州記合浦十八里有閩洲周迴  
一百里其地產珠復還交州記合浦十八里有閩洲周迴  
十里探珠之所即合浦也凡瑤珠出於蚌蚌母廣數寸長尺  
餘政和木草引嶺表錄異廉州溫海中有州島島上有大  
池謂之珠池每歲刺史親監珠戶入池採老蚌割珠取以充  
貢寰宇記黃支國大珠圍及二寸而置圓者平地終日不  
停魏器大秦國出明珠夜光珠真白珠夫餘出珠大如酸  
棗伏無忌古今注章帝元和元年明珠出館陶大如李有  
光耀三年明珠出豫章海底大如雞子周四寸八  
分帝元五年明珠降人得大珠圍五寸七分

蚌之陰精者初學記引作蚌中急就篇璧碧珠璣玫瑰樂  
顏注圓者曰珠不圓曰璣皆蚌之陰精也南部賦巨蚌面  
珠梁元帝謝賚蛤蜊啟體潤珠胎江賦瓊蚌晞曜以瑩珠  
蔡邕青衣賦珠出蚌泥吳筠碎珠賦粉靈蚌之神胎徐氏  
南方記珠蚌殼長三寸在漲海中埤雅龍珠在頰蛇珠在  
口魚珠在眼鮫珠在皮鼈珠在足蚌珠在腹三輔記珠孔  
融見韋元將與其父書曰不意雙珠生於老蚌長沙耆舊  
傳欲采明珠求其蚌或割百蚌不得一珠不可捨蚌求之  
於魚山是言之蚌乃珠之所藏交州異物志烏計割蚌探  
珠蜀志秦必奏記劉陽曰南欲割蚌求珠楊雄蜀都賦蚌  
含珠而摩裂御覽引蘇子蚌以珠致破金樓子蚌懷珠而  
致剖御覽八百三引萬震南州異物志合浦禁民采珠巧  
盜者躡水底割蚌得好珠吞之而出又九百四十一引嶺  
表錄異珠池廉州遼海中有州島島上有大池謂之珠池  
每年修貢珠戶入池采珠皆采老蚌剖而取珠池在海  
上疑其底與海通珠如豌豆大者常珠也如彈丸者亦時  
有得徑寸照室之珠卒不可遇也幽明錄漢武帝幸河渚有  
老公及年少數人出長八九尺老公命取洞穴之寶一人  
下沒川底得一大珠徑數寸上問東方朔朔曰河底有一  
穴深數百丈中有赤蚌生此珠焉吳都賦蚌蛤珠胎與月

襄府楊氏刻

衡全五臣注蚌蛤珠胎皆盛虧之物月滿則珠全月虧則珠缺鶚冠子天則篇月望而晨月毀於天珠蛤蠃蚌虛于深渚上下同確也從玉者珉耳火齊皆珠也故從玉春秋國語云云者楚語文彼云珠足以禦火災則寶之章注珠水精故以禦火災論衡案書篇國語左氏之外傳也馥謂樂當爲節

班

玳瑁明珠色從玉勾聲

男 魁

玳瑁明珠色者玳瑁疊韻色當爲光上林賦明月珠子的  
 燦江雁李善云說文曰的燦明珠光也舞賦珠翠的燦而  
 韶耀李善云說的燦珠光也

璣

玳瑁從玉樂聲

切郎擊

字或作𦵏思元賦顏的𦵏以遺光又  
借𦵏字羽獵賦隨珠和氏掉𦵏其波

五

珠也從玉比聲宋弘云淮水中出此珠此珠之有聲

步因切

大戴禮保傅篇衡身此珠以結其開景福殿賦垂環此之琳琅

珠也者廣韻此斑珠戴侗曰珠玉之類故璜作珩宋弘

云淮水中出此珠者禹貢淮夷蠙珠馬王皆以淮夷為

水名鄭云淮水之上夷民獻此珠也與宋說合後漢書宋

弘字仲子京兆長安人哀帝時為侍中建武二年為大司

空封桐邑侯此珠之有聲者徐鍇本聲下有者字集韻

類篇引同錢君大昭曰徐鍇本作珣珠珠之有聲者按文

當作此蚌之有聲者尚書釋文引韋昭曰此蚌也廣韻

珠母也郭璞江賦文鯨帶鳴以孕璆注引山海經文鯨之

魚其狀如覆鉢身首而翼魚尾音如磬后之聲是生珠玉

郭注山海經云鯨音鯨珠母蚌類蓋鯨即此此字是蚌類

而能鳴故云蚌之有聲者禹貢玼珠鱗魚謂玼珠及其母

玼魚也腹案南越志海中有文魷魚身頭魚尾鳴似磬而

生珠玉與山

海經說同

# 增夏書此從虫賓

本書紕繆若禹貢此珠釁謂當云蚌珠禹貢淮夷蠙珠鱗魚釋文蠙字又作蚶蚶昭薄迷反蚌也正義蠙是蚌之別名此

卷之六 夏書 卷之六 夏書 卷之六 夏書 卷之六 夏書



蠙出珠遂以蠙為珠名腹案莊子水若蛙蠙之衣  
饒州鄱陽縣有蠙洲其溪中蚌出珠  
南溪中有蚌出珠  
鄱陽記蠙洲在縣西

夏書者本書現下引虞書揚州貢璠此又引作夏書同  
一禹貢之文不應稱引互異胡渭曰禹貢之為夏書也  
云此堯時事而在夏書之首禹之王以是功正義曰初必  
在虞書之內蓋夏史抽人夏書或仲尼始退其第此不過  
順傳為義耳林少穎曰自堯典至益稷皆虞史所錄故謂  
之虞書禹貢者夏史所錄故謂之夏書此即穎達意與非  
唐所錄故謂虞書之意後儒皆遵用之夫隋書修於唐未  
嘗謂之唐書唐書修於宋未嘗謂之宋書禹貢即夏史所  
錄而其事則皆舜舜繼堯三聖相受而同一道無敘弊之政  
仲舒云禹繼舜舜繼堯三聖相受而同一道無敘弊之政  
故堯典可繫虞而虞事可連夏馬融鄭元王肅別錄題皆  
曰虞夏書鄭序以為虞夏書二十篇商書四十一篇周書四  
十篇贊云三科之條五家之敘是虞夏同科也揚子法言  
亦曰虞夏之書渾渾爾爾書灝灝爾爾書靈靈爾爾左傳  
二十六年趙衰引夏書杜預注云尚書虞夏書也此皆與  
虞夏同科之說無異而今所行尚書本獨判為二書故有

疑虞夏之分日東晉梅賾所獻安國傳始者然左傳屢引  
夏書伏生虞夏傳外仍有虞傳夏傳而太史公河渠書引  
夏書曰禹抑鴻水云云許慎說文亦多引虞書此皆在商  
虞之前虞書夏書之分恐不自東晉始也或曰左傳所引  
夏書有在今虞書者穎達云以事關禹故引為夏書若洪  
範本周書以箕子所陳而傳引之即曰商書也推此例則  
說文事關舜引為虞書左傳史記事關禹引為  
夏書又何不可豈必當時書題已判為二邪

王珣

璧屬從玉珣聲禮佩刀士珣琤而珣琤

郎計切

璧屬者江賦珣琤瑋瑰李善引本書同玉篇蠟螺也珣瑋  
古今字禮云云者此與珣瑋所引不見禮經詩瞻彼洛  
矣毛傳云天子玉琤而珣琤諸侯璽琤而璣琤大夫錄琤  
而璣琤士璣琤而璣琤正義云傳因琤琤歷道尊卑所用  
似有成文未知出何書也又云說文云璣璧而不別  
於璧天子用璧士用璣也馥謂本書珣琤與玉異

珣

璧甲也所以飾物也從玉兆聲禮云佩刀天子玉琤

而珣琤

余昭切

山海經東山經嶧皋之水其中多蜃蜃注云蜃蚌也蜃玉蜃亦蚌屬江賦玉蜃海月釋魚蜃小者蜃郭云蜃玉蜃玉

小蚌臨海異物志玉蜃如蚌長二寸廣五寸上大下小其

殼中柱灸而吸之味似酒字書玉蜃肉不可食唯柱可食

目六書故蜃似蚌薄殼而大其柱最珍

字或作蜃江賦注江蜃柱大如鏡白色

蜃甲也者葛震海物異名記江瑤柱厥甲美如瑤玉所

以飾物也者本書祿社肉盛以蜃故謂之蜃注云飾祭器

四方山川用蜃器又掌蜃祭祀共蜃器之蜃注云飾祭器

之屬也蜃之器以蜃飾因名焉釋器弓以蜃者謂之蜃郭

云蜃小蚌號都賦弓蜃解聚楚詞天問馮蜃利波封殽是

射注云蜃弓名也七修類稿晉語受祿於社注祿宜社之

肉盛以蜃器今振江故家得祭器於土中皆蜃殼也其上

畫蜃簪人物之形猶存蜃器蓋蜃殼也通鑑陳武帝私晏

用蚌盤注云蚌者操器以蚌為飾今謂之蜃鏹


趙宦光曰南海蚌屬有江蜃柱今謂之蜃鏹



火齊玫瑰也一曰石之美者從玉文磬

切莫梧

火齊玫瑰也者一切經音義六引玫瑰火齊珠也一曰石之美好曰玫瑰園好曰瑰蒼頡篇玫瑰火齊珠也蕭該漢書



玫瑰從玉鬼聲一曰圓好

公回切

音義引字林同廣雅玫瑰珠一切經音義六又引張揖曰  
 玫瑰琅玕也出崑崙關明山白帖火齊珠名後漢書班固  
 傳翡翠火齊注云韻集曰火齊珠也急就篇璧碧珠璣攻  
 瑰華顏注玫瑰美玉名也或曰珠之光精者曰玫瑰韓非  
 外儲說綴以珠玉飾以玫瑰魏畧大秦國出玫瑰史記司  
 馬相如傳其石則赤玉玫瑰郭璞曰玫瑰石珠也漢書音  
 義晉灼曰玫瑰火齊珠也顏師古曰火齊珠今南方所出  
 火珠也隋書禮儀志天子帶劍玉具火珠鏤首寰宇記林  
 邑國獻火珠大如雞卵狀如水精日正午時以珠承影取  
 艾依之火見孝經援神契神靈滋液百珍寶用則玫瑰火  
 齊出注曰玫瑰玉名齊謂契好也契刻也 日石之美  
 者者射義敢問君子貴玉而賤珉者何也注云璿石似玉  
 或作玫也玉藻士佩瑞玫劉楨清慮賦馮玫瑰  
 之几西京雜記武帝得貳師天馬造玫瑰石窠

玫瑰者一切經音義三引字林石珠也成十七年左傳或  
 與己瓊瑰會之杜注瑰珠也 一曰圓好者玉篇引作珠  
 圓好一切經音義三引作石之美好曰玫瑰好  
 曰瑰詩謂陽瓊瑰玉佩傳云瓊瑰石而次玉

珠不圓也從玉幾聲

居衣切

廣雅珠字書璣小珠也

璣漢書天竺國出琉璃珠璣

名曰璣其地出珠璣

璣似珠而小

楚詞九歎傷明珠之赴泥兮魚眼璣之堅藏

珠不圓也者書周貞厥簡玄璣璣組釋文引本書璣珠之不圓者呂

氏春秋重己篇人不愛崑山之玉江漢之珠而愛己之一

蒼璧小璣注云珠之不圓者曰璣淮南人問訓翡翠珠璣

高云圓者為珠額者為璣史記李斯傳璣之珥索隱璣

是珠之不同者漢書景十三王傳縣王閼侯亦遣建荅葛

珠璣顏曰璣謂珠之不圓者也後漢書安帝紀著珠璣注

云璣珠不圓者也楚詞七諫貫魚眼與珠璣注云閼澤為

珠廉隅

為璣

璣

璣似珠者從玉臣聲

魯當切

璣似珠者者御覽引璣璣石之似玉者玉篇璣璣石似

玉釋地西北之美者有崑崙虛之瑱琳璣璣焉郭云璣璣

狀如珠也山海經曰崑崙山有琅玕樹急就篇係皆琅玕  
虎魄龍顏注琅玕一名青珠生蜀郡平澤陶云此蜀都賦所  
琅玕一名石珠一名青珠生蜀郡平澤陶云此蜀都賦所  
稱青珠黃環也唐本注云琅玕乃有數種是琉璃之類火  
齊寶也今出嶺州以西房白蠻中及于闐國也圖經云大  
抵古人謂石之美者多謂之珠廣雅謂璠璣璚璫皆為珠  
是也故本經一名青珠書禹貢厥貢惟珠璣璚璫璠璣注琅  
玕珠也詩韓奕釋文琅玕珠也穆天子傳璣璣璠璣注云  
石似珠也荀子正論篇琅玕能茲華觀以為寶注云琅玕  
似珠崑崙山有琅玕樹山海經西山經槐江之山其上多  
藏琅玕注云琅玕似珠者海內西經服常樹其上有三  
頭人何琅玕樹注云琅玕子似珠論衡說日篇天地之閒  
物氣相類其實非者多海外西南有  
珠樹焉察之是珠然非魚中之珠也

玕

琅玕也從玉干聲禹貢離州球琳琅玕切

古寒

禹貢云云者後人加之本書琨下  
引虞書煥下引夏書不稱禹貢

玕

古文玕



珊瑚色赤生於海或生於山從玉剛省聲

蘇干

珊瑚色赤者華嚴經音義珊瑚寶樹之名其樹身幹枝條  
 皆紅色生於海或生於山者漢書司馬相如傳珊瑚叢  
 生郭璞曰珊瑚生水底石邊大者樹高三尺餘枝格交錯  
 無有葉海中經珊瑚生海中欲取之先作鐵網沈水底珊  
 瑚貫網而生歲高二三尺有枝無葉形如小樹因絞網出  
 之珊瑚皆摧折枉網中三州異物志珊瑚出大秦國有洲  
 在漲海中距其國七人百里名珊瑚樹洲底有盤石水深  
 二十餘丈珊瑚生於石上初生白軟弱似菌國人乘大船  
 載鐵網先沒在水下一年使生網目中其色尚黃枝柯交  
 錯高三四尺大者圍尺餘三年色赤便以鐵鈔發其根繫  
 鐵網於船絞車舉網還裁鑿恣意所作若過時不鑿便枯  
 索嶽巖馱案此言生於海者也鹽鐵論美玉珊瑚出於崑  
 山此言生於山者也本草衍義珊瑚出於海底五七株成  
 林出水變紅色者為上漢趙佗謂之木樹是也碧色者亦  
 良昔人謂之青琅玕許慎曰珊瑚赤色或生於海或生於  
 山據此說則生於海者為珊瑚生於山者為琅玕尤可徵  
 矣觀案張衡四愁詩何以報之青琅玕曹植美人  
 篇腰佩翠琅玕杜甫哀王孫腰下寶玳青珊瑚

琺瑯

珊瑚也從玉胡聲

戶吳切

琺瑯

石之有光瑩琺瑯也出西胡中從玉耶聲

力求切

案卽瑤瑤亦作琉璃爾雅琉璃珠也篆當從寅耶之耶非從古文耶轉寫誤連上畫文選江賦瑤瑯瑤瑯直作耶旁可證也甯亦從耶古讀耶甯聲相近詩朝日辛卯與醜爲韻本書飽或從孚或從耶皆取其聲古音包乎耶皆屬尤幽侯部也石之有光瑩琺瑯也者瑩當依徐鍇本作瑩瑩瑩傳曰有光瑩言光處平側如牆壁也本草圖經兗州黑羊石有牆壁光瑩又云丹砂出辰州者良碎其塊崩巖作牆壁眞辰砂也或借考字淮南子夏后之璜不能無考明月之珠不能無額復謂玉有取琺瑯是也

琺瑯

送外口中玉也從玉從含含亦聲

胡紺切

送外口中玉也者文五年左傳釋文引作送終玉篇同周禮玉府大喪共含玉小宰喪荒受其含槨帶玉之事注云春秋傳曰日實日含大宰大喪贊贈玉含玉注云含玉外者口實天子以玉雜記曰含者執殮將命曰寡君使某含

說文解字義證

卷二

早

連筠移叢書



靈石楊氏

則諸侯含以璧鄭司農云含玉璧琮又典瑞大喪其含玉  
 注云含玉柱左右頤及在口中者雜記曰含者執璧將命  
 則是璧形而小耳檀弓徐君使容居來弔含曰寡君使容  
 居坐含盡矣玉哀十一年左傳命其徒具含玉春秋又五  
 年王使榮叔歸含公羊傳云含者何口實也注云孝子所  
 以實親口也緣生以事外不忍虛其口春秋說題辭口實曰  
 玉大夫以碧士以只春秋之制也春秋諸侯以玉大夫以  
 緣象生食孝子不忍虛其欲天子以珠諸侯以玉大夫以  
 璧上以貝珍之為言口含也說苑口實曰哈天子哈實以  
 珠諸侯以玉大夫以璧士以貝庶人以穀實成十七年左  
 傳或與已瓊瑰食之杜云食珠玉含象荀子大略篇玉只  
 曰含穀梁傳貝玉曰含莊子生不布施外何哈珠為釋名  
 含以珠貝含其口中也後漢書梁商傳衣衾飯哈玉匣珠  
 貝之屬何益朽骨注云哈口實也白虎通曰大夫飯以玉  
 哈以貝北史李預外妻常氏以玉珠二枚哈之口閉常謂  
 曰君自云殮玉有神驗何不受哈言訖齒啟納珠從含  
 含亦聲者  
 當云含聲

王遺玉也從玉歟聲以周切

遺玉也者山海經海外北經平邱在三桑東爰有遺玉大荒東經東北海外爰有遺玉大荒南經有南類之山爰有遺玉淮南地形訓有玉樹在赤水之上崑崙華邱在其東南方爰有遺玉

湯王金之美者與玉同色從玉湯磬禮佩刀諸侯湯琫而

璆琕徒朗切

金之美者與玉同色者釋器黃金謂之璆郭注金之別名禮云云者或借湯字漢書王莽傳璆琫璆孟康曰璆玉名也佩刀之飾上曰琫下曰璆詩云璆琫有璆是也

雨王靈巫以玉事神從玉需聲郎丁切

靈巫以玉事神者玉篇廣韻增韻復古編所引並無靈字類篇集韻有之周禮司巫凡祭祀守瘞注云瘞謂若祭地祇有埋牲玉者也

雨巫靈或從巫

靈或從巫者楚屈巫晉申公巫臣竝字子靈大荒西經有  
靈山巫咸巫即巫盼巫彭巫姑巫真巫禮巫抵巫謝巫羅  
十巫從此升降楚詞九歌靈連蜷兮既逝王注靈巫  
也楚人名巫為靈子晉書夏統傳見巫靈談鬼笑

文一百二十六 重十六

徐鍇本文一百二十四張次立  
加與琰二字改為一百二十六

璫

見本書  
奎下

遺文一

珏

二玉相合為一珏凡珏之屬皆從珏

古岳切

二玉相合為一珏者釋器玉十謂之區郭云雙玉曰珏五  
穀為區莊十八年左傳皆賜玉五穀杜云雙玉為穀正義  
云合韻篇穀作珏雙玉為穀故字從兩玉僖三十年傳公  
為之請納玉於王與晉侯皆十穀襄十八年傳獻子以朱

絲係玉二鼓杜竝云雙玉曰鼓魯語行玉二十鼓韋注雙玉曰鼓

毳毼 珽或從設

珽 分瑞玉從珽從刀 布還切

分瑞玉者義見書舜典春秋文元年天王使毛伯來錫公命成八年天子使召伯來錫公命僖十一年左傳天王使召武公內史過賜晉侯命

車 車答開皮篋古者使奉玉以藏之從車珽讀與服同

房六切

車答開皮篋者李善東京賦注引作車簡開皮篋玉篇與輟同篋也周禮巾車大輿注云以犬皮為覆答本書輟車答中輟輟器也 古者使奉玉以藏之者增韻作古使者常從之藏玉篇類篇集韻篇海竝引作盛案本書篋藏也聘禮君使卿皮弁還玉于館注云玉圭也君子於玉比德焉以之聘重禮也徐鍇引江總行李賦持珽玉而多士

讀與服同者錢君大昭曰車與服同鄭注司弓矢云服以獸皮為之釋名受矢之器以皮曰箠文選東京賦車借車為箠顏師古曰續漢書輶摩車弩車皮箠盛弩也

文三 重一



雲氣也象形凡氣之屬皆從氣

去既切

釋名氣韻也韻然有聲而無形也 列子氣大積之所成也 禮月令孟春之月天氣下降地氣上騰雲氣也者本書雲山川氣也春秋元命苞陰陽聚為雲氣禮統雲者運氣布恩普博也



祥氣也從氣分聲

符分切

昭二十年左傳梓慎望氛注云氛氣也襄二十七年傳楚氛甚惡注云氛氣也昭十五年傳禘之日其有咎乎吾見赤黑之祲非祭祥也喪氛也注云氛惡氣也 漢書董仲舒傳今陰陽錯繆氛氣充塞司馬相如傳祝融警而蹕御今清氣氛而后行顏注並云氛惡氣也 後漢書崔駰傳氛霓鬱以橫屬兮注云氛祲也 爾雅翼引韓詩傳祲除氛穢 宋書烏

占之設務

祭氛祲

祥氣也者一切經音義十三引同案祥者吉凶先見者也  
本書祲精氣感祥廣韻氛祲妖氣呂氏春秋天必先見祥  
高注祥徵應也僖五年左傳凡分至啟閉必書雲物注云  
雲物氣色災變也孫炎注爾雅積土如閭所以望祥氣韓  
詩外傳妖者禍之先祥者福之先見妖而為善則禍不至  
見祥而為不善則福不臻晉語獻公田見翟租之氛韋注  
氛祲氣象也凶曰氛吉日祥楚語臺不測望氛祥韋注凶  
氣為氛吉氣為祥積案合言則氛祥有吉凶之別單言祥  
則祥亦主凶  
說見祲下

雨  
氛或從雨

文二 重一

士  
事也數始於一終於十從一從十孔子曰推十合一

為士凡士之屬皆從士  
鈕里切

靈石楊氏采

事也者士事警相近本書事職也王從士士事也廣雅上  
 事也孟子士何事又曰士無事而食不可也禮運禮無列  
 則士不事也曰虎通上者事也任事之稱也故傳曰通古  
 今辨然否謂之士書顧命百尹御事王肅日治事蓋草上  
 也詩東山勿士行枚祈父子王之爪士訪落陟降厥上桓  
 保有厥土傳並云士事也假樂百辟卿士箋云卿士卿之  
 有事也周禮天官敘官旅下士三十有二人注云旅衆也  
 下士治衆事者秋官敘官旅下士三十有二人注云旅衆也  
 事者昭七年左傳大夫臣士正義云士者事也言能理庶  
 事也管子士經篇注云士事也道家太霄琅書經人行大  
 道號曰道士士者何事也從道爲事通鑑陳主素怯懦不  
 達軍士注云士讀日事馥案仕亦訓事詩文王有聲武王  
 豈不仕傳云仕事又四月盡粹以仕箋云仕事也數始  
 於一終於十者逸周書周月解數起於一而成於十郭璞  
 爾雅音義凡物數無不從一爲始漢書敘傳元元木木數  
 始於一本書十數之具也章從十十數之終也孔子曰  
 推十合一爲士者玉篇六書故並引作推一合十複案春  
 秋元命包木者其字八推十爲木則作推一合十者是也  
 問一知  
 十爲士

𡇗 夫也從士胥聲詩曰女也不爽士貳其行士者夫也

讀與細同蘇計切

夫也者本書妻婦與夫齊者也釋親女子子之夫為壻荀子非相篇婦人莫不願得以為夫處子莫不願得以為士楊倞注士者未娶妻之稱趙宦光曰古詩多夫壻聯用若夫壻寄重湖殷勤問夫壻之類

姁 壻或從女

壯 大也從士月聲側亮切

大也者釋詁文方言秦晉之間凡人之大謂之奘或謂之壯易大壯彖曰大者壯也曲禮三十曰壯有室月令養壯後管子苗始其少也响响乎何其孺子也至其壯也壯壯乎何其士也月聲者本書無月字牀牘戕狀並從月聲片部當有月猶反正為乏

塙 舞也從士尊聲詩曰塙塙舞我慈損切



靈戶楊氏案

舞也者釋文引作士舞也徐鍇本同錯繫傳曰按周禮舞者皆士也釋訓坎之塲塲喜也郭云皆鼓舞權喜詩曰塲塲舞我者小雅伐木文彼作蹲蹲傳云蹲蹲舞貌釋文蹲本或作塲舞貌也說文云士舞也從士尊

文四 重一

——上下通也引而上行讀若凶引而下行讀若還凡——

之屬皆從——  
古本切

上下通也者中字即上下通本書中從——云讀若徹徐鉉說云——上下通也象草木萌芽通徹地上也引而上行讀若凶引而下行讀若還者本書中才引拉從——又乙與——同意乙象草木冤曲而出——則通徹而出矣讀謂引而上行若草木之出土上通也引而下行若草木之生根下通也玉篇音古本思二兩切思二即退音徐鍇曰申從——引而上行音進

申  
和也從口——上下通  
陟弓切

通說之曰林罕謂从口象四方上下通中也說文徐  
木皆作巳殆誤也馥案用从卜从中則中當為申  
和也者和當為齋禮記中庸致中和天地位焉萬  
物育焉馥謂中和之氣上下相通故能化成萬物

古文申

與屯同意  
言通之難

申 籀文中

上下通而  
又旁達

旌旗杠兒從一從𠂇亦聲

丑善切

旌旗杠兒者釋天素錦綢杠鄉射禮記杠長三仞士之制  
也廣雅天子杠高九仞諸侯七仞大夫五仞士喪禮竹杠  
長三尺腹謂杠即竿也釋名紱有虞之旌也注  
旌竿首其形彙彙然也 𠂇亦聲者當為𠂇聲

文三 重二